

唐詩紀事

歷代詩話

全書共十六冊。皆為完全之足本。與明人刻書將全書割裂者。有霄壤之別。此書自乾嘉以來。並無別本。流傳絕少。福保特將家藏初印本付諸石印。其版式

字體。一概照舊。並不縮小。共訂十六冊。用上等連史紙印刷。每部定價六元。外省購書者。書款從郵局匯寄。款到該書即日寄上。全書總目列左

詩品梁鍾嶸○詩式唐釋皓然○二十四品唐司空圖○全唐詩話宋尤袤○六一詩話宋歐陽修○續詩話宋可馬光○中山詩話宋劉攽○後山詩話宋陳師道○臨漢隱居詩話宋魏泰○竹坡詩話宋周紫芝○紫薇詩話宋呂本中○彥周詩話宋許顛○石林詩話宋葉少蘊○唐子西文錄宋強幼安○珊瑚鉤詩話宋張表臣○韻語陽秋宋葛立方○二老堂詩話宋周必大○白石詩說宋姜夔○滄浪詩話宋嚴羽○山房隨筆元蔣正子○詩法家數元楊載○木天禁語元范梈○詩學禁樹元范梈○談藝錄明徐禎卿○藝圃擷餘明王世懋○存餘堂詩話明朱承爵○夷白齋詩話明顧元慶○歷代詩話考索附何文煥

總發行所上海靜安寺路三十九號醫學書局

歷代詩話續編

全書共二十四冊。皆據舊藏本精校無訛。用上等連史紙印刷。每部定價八元。特價四元。郵費四角。外省購書者。書款從郵局匯寄。款到該書

即日寄上。全書總目列左

本事詩唐孟棻○樂府古題要解唐吳兢○詩人主客圖唐張為○風騷旨格唐齊己○觀林詩話宋吳聿○誠齋詩話宋楊萬里○庚溪詩話宋陳巖肖○草堂詩話宋蔡夢弼○優古堂詩話宋吳玘○艇齋詩話宋曾季狸○藏海詩話宋吳可○碧溪詩話宋黃徹○對牀夜語宋范晞文○歲寒堂詩話宋張戒○江西詩派小序宋劉克莊○娛書堂詩話宋趙與麟○滄南詩話金王若虛○梅磻詩話元韋居安○吳禮部詩

話元吳師道○升菴詩話明楊慎○藝苑卮言明王世貞○國雅品明顧起綸○四溟詩話明謝榛○歸田詩話明瞿佑○逸老堂詩話明俞弁○南濠詩話明都穆○懷麓堂詩話明李東陽○詩鏡總論明陸時雍

總發行所上海靜安寺路三十九號醫學書局

清詩話

董齋詩話王夫之著○答萬季瑩詩問吳喬著○鈍吟雜錄馮班著○江西詩社宗派圖錄張泰來著○梅村詩話吳偉業著○寒廳詩話顧嗣立著○茗香詩論宋大樽著○律詩定體王士禎著○然鐙紀聞何世璵著○師友詩傳錄王士禎答○師友詩傳續錄王士禎答○漁洋詩話王士禎著○古詩平仄論翁方綱小石帆亭著錄○趙秋谷所傳聲調譜翁方綱小石帆亭著錄○五言詩平仄舉偶翁方綱小石帆亭著錄○七言詩平仄舉偶翁方綱小石帆亭著錄○談龍錄趙執信著○聲調譜趙執信著○聲調譜拾遺翟翬著○螻齋詩話施閏章著○漫堂說詩宋犖著○而菴詩話徐增著○詩學纂聞汪師翰著○蓮坡詩話查為仁著○說詩碎語沈德潛著○原詩葉燮著○全唐詩話續編孫濤著○一瓢詩話薛雪著○拜經樓詩話吳騫輯○唐音審體錢木菴著○遼詩話周春輯○秋窗隨筆馬位著○野鴻詩的黃子雲著○履園談詩錢泳輯○說詩嘗刪吳雷發著○秋星閣詩話李沂著○貞一齋詩說李重華著○漢詩總說費錫璜著○山靜居詩話方薰著○峴傭說詩闕名○消寒詩話秦朝舒著○續詩品袁枚著○補歷代詩話續編一種揮塵詩話王兆雲著○定價八元

全漢三國晉南北朝詩

無錫丁福保編。共十一集。全漢詩五卷。全三國詩六卷。全晉詩八卷。全宋詩五卷。全齊詩四卷。全梁詩十四卷。全陳詩四卷。全北魏詩一卷。全北齊詩一卷。全北周詩二卷。全隋詩四卷。其搜輯之詳密。精核。讀緒言即知。(欲閱緒

言者函索即得。惟信內須附郵票三分。爲寄回件之用。○全書用中國上等連史紙印成四開大本其大小長短均如緒言每部定價八元 外省購書者款從郵局匯寄

總發行所上海靜安寺路三十九號醫學書局

八代詩菁華錄箋注

無錫丁福保編內有漢詩一卷。魏詩一卷。晉詩一卷。南北朝詩一卷。選擇頗慎。博而不蕪。簡而不陋。其評語及箋注。又極詳盡。歷歷若辨淄澠。而析毫末。爲漢魏六朝詩各選本中最易明白之善本。○每部一元

總發行所上海靜安寺路三十九號醫學書局

王荊公唐百家詩選

此書爲海內僅見之本。當北宋時所見之唐人詩。自與近世不同。開卷見其第一卷。廬象贈劉藍田一首。即非全唐詩所有。然則今以全唐詩爲搜羅已盡者。固知其頗有遺珠也。倘能徧加校對。其字句之異同。不可勝數。而又能於有全唐詩以外。多得唐詩若干首。烏能不與海內詩學家共寶之。至板刻精良。悉存原書真面目。尤其餘事。○每部三元

漢魏六朝名家集

邇來泰西學術。漸趨亞東。一般學子。醉心歐化。古代舊籍。日即消亡。斯文未喪。幾有蕭梁盡道之憂。今則義師光復。不失舊物。條誡訓令。日不暇給。必儼然明白。纂詞高舉。志感絲篁。氣變金石。庶能使人心奮勵。遐邇騰歡。若文之不工。曲趣以覓巧。義之不密。碎辭以爲章。意既不達。羣將受弊。此光武所以加意於詞令。歐國亦特重其文豪也。福保爲維持舊學。問計爰仿嚴鐵橋先生上古六朝文目錄。編輯漢魏六朝人別集。又益以家藏舊刻。共得一百十家。先行刊印。初集四十家。曰枚叔集。揚子雲集。班孟堅集。王叔師集。鄭康成集。蔡中郎集。劉公幹集。

應德棧集、孔文舉集、王仲宣集、陳孔璋集、阮元瑜集、徐偉長集、魏武帝集、魏文帝集、曹子建集、阮嗣宗集、嵇叔夜集、左太冲集、潘安仁集、陸士衡集、陸士龍集、陶淵明集、謝康樂集、謝法曹集、謝希逸集、顏延年集、鮑明遠集、謝宣城集、梁武帝集、梁簡文帝集、梁元帝集、梁昭明太子集、沈休文集、江文通集、任彥昇集、陳後主集、隋煬帝集、搜輯頗詳密。共三十冊。凡百三家集中之總繆者悉訂正之。讀之愛不忍釋。剛健麗則淵哉鏘乎。斯西京之文也。而揚馬爲尤醇。稟經酌雅。黼黻雍容。斯東京之文也。而匡劉爲尤著。詞句茂美。藻采斐然而骨力稍類。斯魏晉之文也。七子潘陸出羣矣。清麗芊綿。情韻不匱。而浮豔高張。斯六朝之文也。顏謝任沈爲近古矣。雖文勝質勝。軌轍不無歧異。而縱心孤往。才藝各有絕倫。對此四十家鉅製。歎爲觀止。苟能家置一編。昕夕研究。庶文誥筆札均收其效。今刊是書。謂爲啓迪後進也可。謂爲保存國粹也亦無不可。每部定價十元。實價五元。郵費在內。上海靜安寺路三十九號醫學書局丁福保謹啓。

唐詩紀事

宋計有功撰。○共八十一卷。採撫繁富。於唐一代詩人。或錄名篇。或紀本事。兼詳其世系爵里。凡一千一百五十家。唐人詩集不傳於世者。多賴是書以存。外間傳本絕少。非五十元不能得。是書精校付印。用本國連史紙印訂。成十厚冊。實價八元。

八分精菁華

全書一國詩南北朝詩

小註與此版無言。每冊式附八元。

長春書局發行。每冊式附八元。

上海靜安寺路三十九號醫學書局丁福保謹啓。

言本則亦自其詩計。凡集附選。三。代。言。可。得。之。思。○。全。書。用。中。國。十。種。紙。或。用。西。國。紙。本。不。能。大。

唐詩紀事卷第七十

許棠

張喬

劇燕

任濤

張蠙

鄭谷

溫憲

李昌符

王穀

李山甫

伊璠

鍾離權

許棠

分與仙山背多年負翠微無因隨鹿去只是送人歸頂木晴摩日根嵐曉
潤衣會於猿鳥外相對掩高扉棠旅中送人歸九華詩也大抵棠詩多隱
槩如曉嶂猿窺戶寒湫鹿舐冰當空吟待月到晚坐看山類恬淡絕物者
然非真好也

棠字文化宣州涇縣人登咸通十二年進士第有洞庭詩爲工時號許洞
庭初爲涇縣尉鄭谷以詩送云白頭新作尉縣在故山中高第能卑宦前
賢尙此風蕪湖春蕩漾梅雨晝溟濛佐理人安後篇章莫廢功
棠洞庭詩有四顧疑無地中流忽有山之句人以題扇

過洞庭云驚波常不定半日鬢堪斑四顧疑無地中流忽有山鳥飛應畏
墮帆遠卻如閒漁父時相引行歌浩渺閒

張喬

喬池州人有詩名咸通中與許棠俞坦之劇燕任濤吳宰張贛周繇鄭谷
李棲遠溫憲李昌符謂之十哲十哲而二十人

咸通中京兆府解試月中詩桂喬擅場云與月轉洪濛扶疎萬古同根非
生下土葉不墜秋風每向圓時足還隨缺處空影高羣木外香滿一輪中
未種丹霄日應虛白兔宮如何當羽化細得問神功其年李建州頻主試

時爲京兆府參軍

以許棠老於場屋以爲首薦未幾巢寇爲亂遂與伍喬之徒隱

九華

喬送許棠云離鄉積歲年歸路遠依然夜火山頭市春江樹杪船干戈愁
鬢改瘴癘喜家全何處營甘旨潮濤浸薄田

喬與俞坦之受知許下辭尙書能許棠首薦能以詩信二子曰何事盡參

差惜哉吾子詩日令銷北道天亦負明時有路當重振無門那不知何嘗
見堯日相與啜澆漓

喬遊終南白鶴觀詩云上徹見丹峯求玄意未窮古壇青草合往事白雲
空仙境日月外帝鄉煙霧中人閒足煩暑欲去戀清風

送友人歸宜春云落花兼柳絮無處不紛紛遠道空歸去流鶯獨自聞野
橋喧澗水山郭入樓雲故里南陔曲秋期更送君

鄭谷題喬延興門外所居云平生苦節同旦夕會原東掩卷斜陽裏看山
落木中星霜人欲老江海業全空近日文場裏因君起古風

劇燕

劇燕蒲坂人也工爲雅正詩王重榮鎮河中燕投贈王曰祇向國門安四
海不離鄉井拜三公重榮甚禮重爲人多縱凌轢諸從事竟爲正平之禍

任濤

任濤豫章筠川人也詩名早著有露團沙鶴起人臥釣船流他皆倣此數

舉敗於垂成李常侍隲廉察江西特與放鄉里之役官俗互有論列隲判曰江西境內凡爲詩得及濤者卽與放色役不止一任濤耳

李建州頻主京兆解試時濤與許棠張喬兪坦之劇燕吳宰張蠙周繇鄭谷李棲遠溫憲李昌符謂之十哲是年試俱以次得之是歲咸通末也

張蠙

詠葦詩云葦叢寒水邊曾折釣罾船咸喜亭臺近翻嫌島嶼偏花明無月夜聲急正秋天遙憶巴陵渡殘陽一望煙

送友人赴溼州幕云杏園沈飲散榮別就佳招日月相期盡山川獨去遙府樓明蜀雪關磧轉胡雕縱有煙塵動應隨上策銷

蠙字象文唐末登第尉櫟陽避亂入蜀爲金堂令徐后遊大慈寺見壁閒題云牆頭細雨垂纖草水面回風聚落花問寺僧僧以蠙對乃賜霞光牋令寫詩以進蠙進二百首衍善之特召爲知制誥宋光嗣以蠙輕忽傲物遂止卒於官蠙生穎秀幼有單于臺詩曰白日地中出黃河天外來爲世

所稱

鄭谷

殘月如新月云榮落何相似初終卻一般猶疑和夕照誰信墜朝寒水國
光華別詩情此象難佳人應誤拜棲鳥返求安屈指期輪滿何心誚影殘
庾樓清賞處吟徹曙鍾看谷自序云幼受知於李公朋馬博士戴求試春
闈故辭許昌能李建州頻不以晚輩見待遊舉場十六年著述千餘首乾
寧初上幸三峯朝謁多暇止雲臺道舍遂拾墜補遺成三百首目爲雲臺

編

谷字若愚袁州人故永州刺史之子幼年司空圖與刺史同院見而奇之
曰曾吟丈丈詩否曰吟得莫有病否曰丈丈曲江晚望斷篇云村南斜日
閒迴首一對鴛鴦落渡頭卽深意矣司空嘆惜撫背曰當爲一代風騷主
乾寧中爲都官郎中卒于家谷自敘云故許昌辭尙書能爲都官郎中後
數年建州李員外頻自憲府拜都官員外皆一時騷雅宗師都官之曹振

盛于此余早受知今忝此官復是正秩何以相繼前賢耶

谷詠雪詩云亂飄僧舍茶煙溼密灑歌樓酒力微江上晚來堪畫處漁翁披得一簑歸有段贊善者善畫因採其詩意寫之成圖曲盡瀟灑之意持以贈谷谷爲詩寄謝云贊善賢相後家藏名畫多留心於素繪得意在煙波屬興同吟詠功成更琢磨愛余風雪句幽絕寫漁簑濃澹方春滿蜀鄉半隨風雨斷鶯腸浣花溪上堪惆悵子美無情爲發揚谷蜀中海棠詩也相看臨遠水獨自上孤舟句潮來無別浦木落見他山句情多最恨花無語愁破方知酒有權句關東多事日天末未歸心句捲卷斜陽裏看山落木中句西浙尋山徧孤舟帶鶴歸句長安一夜殘春雨右省三年老拾遺句班趨黃道急殿揖紫宸深句已上皆谷詩警句

題杭州樟亭云故國江天外登臨返照閒潮平無別浦木落見他山沙鳥晴飛遠漁人夜唱閒歲窮歸未得心逐片帆還

感興云禾黍不陽豔競栽桃李春翻令力耕者半作賣花人

曲江春草云花落江堤簇晚煙雨餘江色遠相連香輪莫輾青青破留與遊人一醉眠

十日菊云節去蜂愁蝶不知曉庭還繞折殘枝自緣今日人心別未必秋香一夜衰

石城云石城昔出莫愁鄉莫愁魂散石城荒江人依舊棹舫艫江岸還飛雙鴛鴦帆去帆來風浩渺花開花謝春悲涼煙濃草遠望不盡千古漢陽閒夕陽

卷末偶題云一卷疎蕪一百篇名成未敢便忘筌何如海日生殘夜一句能令萬古傳

谷不喜高仲武閒氣集而喜殷璠河岳英靈集嘗有詩云殷璠鑒裁英靈集頗覺同才得旨深何事後來高仲武品題閒氣未公心

仲武璠二集皆品題唐人詩

溫憲

溫憲員外延筠子也僖昭之間就試於有司值鄭相延昌掌邦貢也以其

父文多刺時復傲毀朝士抑而不錄既不第遂題一絕於崇慶寺壁後榮陽公登大用因國忌行香見之憫然動容暮歸宅已除趙崇知舉卽召之謂曰某頃主文衡以溫憲廷筠之子深怒嫉之今日見一絕令人惻然幸勿遺也於是成名詩曰十口溝隍待一身半年千里絕音塵鬢毛如雪心如死猶作長安下第人

杏花詩云團雪止存稍江明映碧寥店香風起夜村白雨休朝靜落頻沾蒂繁開正蔽條澹然閒賞翫無以破妖韶

憲光啟中爲山南從事李巨川草薦表盛述先人之屈曰蛾眉先妬明妃爲去國之人猿臂自傷李廣乃不侯之將溫終於山南從事

李昌符

送琴客詩云楚客抱離思蜀琴留恨聲坐來看月落聽久覺秋生夜靜騷人語天高別鶴鳴因君興一嘆竟夕亦難平

秋晚歸故居云馬省曾行處連嘶渡晚河忽驚鄉樹出漸識路人多細徑

穿禾黍頽垣壓薜蘿乍歸猶似客隣叟亦相過

傷春云酒醒鄉關遠迢迢聽漏終曙分林影外春盡雨聲中鳥思江村路
花殘野岸風十年成底事羸馬倦西東

鄭谷寄膳部李郎中昌符詩云鄴郊陪野步早歲偶因詩自後吟新句長
愁減舊知靜燈微落燼寒硯旋生澌夜夜冥搜苦那能鬢不衰

昌符字巖夢登咸通四年進士第歷尙書郎

塞上行云莽蒼蘆關北孤城帳幕多客軍甘入陣老將望迴戈樹盡禽棲
草冰堅路在河汾陽尋下世羌虜肯先和

北夢瑣言云咸通中前進士李昌符有詩名久不登第常歲卷軸怠於裝
脩因出一奇乃作婢僕詩五十首於公卿閒行之其閒有詩云春娘愛上
酒家樓不怕歸遲總不憂推道那家娘子臥且留教住待梳頭又云不論
秋菊與春花箇箇能瞳空肚茶無事莫教頻入庫一名閒物耍些些諸篇
皆中婢僕之諱浹旬京城盛傳是年登第與夫桃杖虛靴事雖不同用奇

卽無異也

王穀

暑日題道傍樹云火輪迸燄燒長空浮埃撲面秋濛濛羸童走馬喘不進
忽逢碧樹含清風清風留我移時住滿地濃陰懶前去卻嘆人無及物功
不似團團道傍樹

鴻門醺云寰海沸兮爭戰苦風雲愁兮會龍虎四百年漢欲開基項莊一
劍何虛舞殊不知人心去暴秦天意歸明主項王足底踏漢土席上相看
渾未悟

穀字虛中宜春人登乾寧進士第有玉樹曲云陳宮內宴明朝日玉樹新
妝逞嬌逸三閣霞明天上開靈鼉振儼神仙出天花數朶風吹綻對舞輕
盈瑞香散金管紅絃旖旎隨霓旌玉珮參差轉璧月夜滿樓風輕蓮舌冷
冷詞調新當行狎客盡持祿直諫犯顏無一人歌舞未終樂未闋晉王劍
上黏腥血君臣猶在醉鄉中一面已無陳日月聖唐御宇三百祀濮上桑

閒宜禁止請停此曲歸正聲願將雅樂調元氣

穀未及第時輕忽被人毆擊揚聲曰莫無禮吾便是君臣猶在醉鄉中一面已無陳日月毆者斂衽慙謝而退穀唐末爲尙書郎中致仕

穀始與崔胤同在庠序相善將赴舉胤餞之有日者在坐曰待此郎爲相乃登第二十年胤爲相穀遂登第

李山甫

咸通中數舉進士被黜依魏博樂彥植幕府內樂禍且怨中朝大臣導彥植子從訓伏兵殺王鐸劫其家嘗有詩云勸君莫用誇頭角夢裏輸贏總未真譏執政也巢寇之亂翰林待詔王遨者北遊在鄴山甫遇於道觀謂曰幽蘭綠水可得聞乎遨應命奏之曲終潛然曰憶在咸通玉亭秋夜供奉至尊不意流離至此也山甫賦詩曰幽蘭綠水耿清音歎惜先生枉用心世上幾時曾好古人前何必獨沾襟句未成山甫亦自黯然悲其不遇也

貧女云平生不識綺羅裳閒把金簪益自傷鏡裏祇應諳素貌人間多是
重紅妝當年未嫁還憂老終日求媒卽道狂兩意定知無處說暗垂珠淚
滴蠶筐

贈處士琴云情知此事少知音自是先生枉用心世上幾時曾好古人閒
何必更沾襟致身不似笙篁巧悅耳寧如鄭衛淫三尺焦桐七條線子期
師曠兩沈沈

國初高英秀者與贊寧爲詩友辨捷滑稽嘗譏古人詩病云山甫覽漢史
王莽弄來曾半破曹公將去便平沈是破船詩李羣玉詠鷓鴣方穿詰曲
崎嶇路又聽鉤輅格磔聲是梵語詩羅隱曰雲中雞犬劉安過月裏笙歌
煬帝歸是見鬼詩杜荀鶴今日偶題題似著不知題後更誰題此衛子詩
也不然安有四蹄

伊璠

璠及第後寄梁獨處士云繡轂尋芳許史家燭將羈思遶江沙十年辛苦

一枝桂二月豔陽千樹花鵬化四冥歸碧落鶴棲三島接青霞同袍不得
同遊翫吟對春風日又斜

璠登咸通四年進士第曾爲涇陽令至黃巢亂璠陷寇屢脫命於刃下其
後逃避與其家相失夜至藍關猛獸搏而食之

鍾離權

邢州開元寺有唐鍾離權處士二詩其一云得道高僧不易逢幾時歸去
願相從自言住處連滄海別是蓬萊第一峯其一云莫厭追歎笑語頻尋
思離亂好傷神閒來屈指從頭數得見清平有幾人

唐詩紀事卷第七十

唐詩紀事卷第七十一

張道古

許鼎

李京

胡曾

伍唐珪

韓定辭

蔣貽恭

狄歸昌

李極

高越

許彬

孫蜀

牛嶠

崔庸

同谷子

陳詠

李旭

沈彬

周朴

孫魴

王易簡

范攄之子

鄭雲叟

謝太虛

李嶼

江爲

張道古

昭宗時拾遺張道古貢五危二亂表黜居于蜀後聞駕走西岐又遷東洛皆契五危之事悉歸二亂之源因吟一章上蜀王詩曰封章才達冕旒前黜詔俄離玉座端二亂豈由明主用五危終被佞臣彈西巡鳳府非爲固東播鑿輿卒未安諫疏至今如可在誰能更與讀來看

道古臨淄人景福中進士釋褐爲著作郎遷右拾遺播遷之後方鎮阻兵

道古上危亂疏云只今劉備孫權已生於世矣謫施州司戶參軍後入蜀
王氏聞而憾之乃變姓名賣卜導江青城市中建開國召爲五部郎中至
玉壘關謂所親曰吾唐室諫臣終不能拳跽與雞犬同食雖召必再貶於
死之日葬我於關東不毛之地題曰唐佐輔補闕張道古墓後遇害妻亦
繼亡蜀主憫之俾祔葬焉鄭雲叟在華聞之有詩哭之曰曾陳章疏忤昭
皇撲落西南事可傷豈使諫臣終屈辱直疑天道惡忠良生前賣卜居三
蜀死後馳名徧大唐誰是後來修史者言君力死正頽綱

乾符中道古在王鎔幕府一日久旱得雨衆賓賦詩道古最後曰亢陽今
已久嘉雨似雲傾一點不斜去極多時下成禪月以詩悼之曰清河逝水
太恩恩東觀無人失至公天上君恩三載隔鑑中鸞影一時空墳生苦霧
蒼茫外門掩寒雲寂寞中惆悵斯人又如此一聲蠻笛滿江風

許鼎

登嶺望詩云淼淼三江水悠悠五嶺關雁飛猶不度人去若爲還

鼎唐末詩人至梁貞明六年始登第

李京

毛本云
或作景

除夜長安作云長安朔風起窮巷掩雙扉新歲明朝是故鄉何處歸鬢絲
饒鏡色隙雪奪燈輝卻羨秦州雁逢春盡北飛

京唐末詩人至梁貞明六年登第

胡曾

寒食都門詩云二年寒食住京華寓目春風萬萬家金絡馬銜原上草玉
釵人折路傍花軒車競出紅塵合冠蓋爭迴白日斜誰念都門兩行淚故
園寥落在長沙

高駢鎮蜀南蠻時飛一木夾有借錦江飲馬之語曾時爲書記以檄破之
兼有詩云辭天出塞陣雲空霧捲霞開萬里通親受虎符安宇宙誓將龍
劍定英雄殘霜敢冒高懸日秋葉爭禁大段風爲報南蠻須屏跡不同蜀
將武侯功

或曰路巖鎮
蜀日曾爲之

王衍五年宴飲無度衍唱韓琮柳枝詞曰梁苑隋堤事已空萬株猶舞舊
春風何如思想千年事誰見楊花入漢宮內侍宋光溥詠曾詩曰吳王恃
霸棄雄才貪向姑蘇醉綠醅不覺錢塘江上月一宵西送越兵來衍怒罷
宴曾有詠史詩百篇行于世

曾邵陽人咸通中進士

伍唐珪

寒食日獻郡守云入門堪笑復堪憐三逕苔荒一釣船慙愧四鄰教斷火
不知廚裏久無煙

唐珪唐末進士也

韓定辭

定辭爲鎮州王鎔書記聘燕帥劉仁恭舍於賓館命幕客馬彧延接馬有
詩贈韓云邃林芳草綿綿思盡日相攜陟麗譙別後巉嵒山上望羨君時
復見王喬彧詩清秀然意在試其學問韓於座酬之曰崇霞臺上神仙客

學辨癡龍藝最多盛德好將銀筆述麗詞堪與雪兒歌座賓靡不欽訝然亦疑銀筆之僻也他日或持燕帥之命答聘常山亦命定辭接於公館或從容問韓以雪兒銀筆之事韓曰昔梁元帝爲湘東王時好學著書常紀忠臣義士及文章之美者筆有三品或以金銀雕飾或用斑竹爲管忠孝全者用金管書之德行清粹者用銀筆書之文章瞻麗者以斑竹書之故湘東之譽振於江表雪兒者李密之愛姬能歌舞每見賓僚文章有奇麗入意者卽付雪兒叶音律以歌之又問癡龍出自何處定辭曰洛下有洞穴曾有人誤墮於穴中因行數里見明曠有宮殿人物凡九處又見有大羊羊髯有珠人取而食之不知何所後出以問張華華曰此地仙九館也大羊者名曰癡龍耳定辭復問或囀嵒嵒山當在何處或曰此隋郡之故事何謙光而下問由是兩相悅服結交而去

蔣貽恭

貽恭詠蠶詩云辛勤得繭不盈筐燈下繅絲恨更長著處不知來處苦但

貪衣上繡鴛鴦

貽恭江淮人唐末入蜀巧於刺譏蜀人畏之孟氏時卒官止令佐而已

狄歸昌

僖宗幸蜀或題馬嵬驛云馬嵬煙柳正依依重見鑾輿幸蜀歸泉下阿蠻
應有語這回休更泥楊妃或云歸昌詩也時爲侍郎

或謂羅隱詩

李極

襄王僭僞朱玫秉政百揆失序逼李極爲署極嘗吟曰紫宸朝罷綴鴛鴦
丹鳳樓前駐馬看惟有終南山色在晴明依舊滿長安極終爲亂兵所殺
極字昌時隴西人登咸通十二年進士第僖宗幸寶雞極在鳳翔襄王逼
爲翰林學士及王行瑜殺玫襄王奔京城極及妻盧皆被害

高越

越燕人舉進士文價藹然鄂帥李簡賢之待以殊禮將妻以女越竊諭其
意賦詩一絕書于壁不告而去詩云雪瓜星眸衆所歸摩天專待振毛衣

虞人莫謾張羅網未肯平原淺草飛

出唐餘錄

許彬

一作彬

中秋夜有懷云趨馳早晚休一歲又殘秋若只如今日何難到白頭滄波
歸處遠旅食向邊愁賴見前賢說窮通不自由

彬睦州人鄭谷送彬罷舉歸睦州詩云桐廬歸舊廬垂老復樵漁吾子雖
言命鄉人懶讀書

孫蜀

中秋夜戲酬顧道流云不那此身偏愛月等閒看月卽更深仙翁每被嫦
娥使一度逢圓一夜吟

蜀與方干同時干有別蜀之作云吳越思君意亦傷別君添我鬢邊霜由
來淞水偏堪恨截斷千山作兩鄉

牛嶠

紅薔薇云曉啼珠露渾無力繡簇羅襦不著行若綴壽陽公主額六宮爭

肯學梅妝

嶠字松卿一字延峯隴西人自云僧孺之後乾符五年進士歷拾遺補尙書郎王建鎮蜀辟判官及僭位爲給事中

崔庸

蘇州崑山華嚴寺殿基或曰鬼工有僧繇畫龍每風雨如騰躍狀僧繇青畫鎖以釘固之乾寧初吳郡進士崔庸有詩云人莫嫌山小僧還愛寺靈殿高神氣力龍活客丹青

庸登天祐二年進士第

同谷子

昭宗播岐何后用事有同谷子者詠五子之歌何后潛令秦王誅之事未行而奔去詩曰邦惟固本自安寧臨下常須馭朽驚何事十旬遊不返禍胎從此召殷兵又云酒色聲禽號四荒那堪峻宇又雕墻靜思今古爲君者未或因茲不滅亡又云唯彼陶唐有冀方少年都解未思量如今算得

當時事首爲盤遊亂紀綱又云明明我祖萬邦君典則貽將示子孫惆悵
太康荒墜後覆宗絕祖滅其門又云仇讎萬姓遂無依顏厚何曾解忸怩
五子旣歌邦已失一場前事悔難追

陳詠

陳詠眉州青神人有詩名善奕碁昭宗劫遷駐蹕陝郊是歲策名歸蜀韋
莊以詩賀之鄉中有嫉善者屬和韋詩曰讓德已令多士伏沽名還得世
人聞譏其比滌器當壚也陳嘗以詩自負其詩卷有一聯云隔岸水牛浮
鼻渡傍溪沙鳥點頭行杜光庭謂曰先輩佳句甚多何必以此爲卷首詠
曰曾爲朝廷見賞所以列爲卷首時人笑之

李旭

旭及第後呈朝中知己云凌晨夜鼓奏嘉音雷擁龍迎出陸沈金榜高懸
當玉闕錦衣卽著到家林眞珠每被塵泥陷病鶴多遭螻蟻侵今日始知
天有意還教雪得一生心

旭天祐元年進士登第

沈彬

彬字子文高安人也天才狂逸好神仙之事少孤西遊以三舉爲約嘗夢著錦衣貼月而飛識者言雖有虛名不入月矣洪州解至長安初舉納省卷夢仙謠云玉殿大開從客入金桃爛熟沒人偷鳳驚寶扇頻翻翅龍悟金鞭忽轉頭第二舉憶仙謠云白榆風颯九天秋王母朝回宴玉樓日月漸長雙鳳睡桑田欲變六鼇愁雲翻簫管相隨去星觸旌幢各自流詩酒近來狂不得騎龍卻憶上清遊第三舉納省卷贈劉象爲首云曾應大中天子舉四朝風月鬢蕭疎不隨世祖重攜劍卻爲文皇再讀書十載戰塵銷舊業滿城春雨壞貧居一枝何事於君惜仙桂年年幸有餘劉象孤寒三十舉無成主司覽彬詩其年特放象及第彬乾符中值駕起三峯四方多事南遊嶺表二十餘年回吳中江南僞命吏部郎中致仕

彬唐末遊湖湘隱雲陽山十年餘與虛中齊已貫休以詩名相吹噓又與

韋莊杜光庭唱和皆蜀人也疑其曾入蜀

彬詩有九衢冠蓋暗爭路四海干戈多異心之句

周朴

朴唐末詩人寓于閩中於僧寺假丈室以居不飲酒茹葷塊飛獨處諸僧晨粥卯食朴亦攜巾盂廁諸僧下畢食而退率以爲常郡中豪貴設供率施僧錢朴亦巡行拱手各丐一錢有以三數錢與者朴止受其一得千錢以備茶藥之費將盡復然僧徒亦未嘗厭也性喜吟詩尤尙苦澀每遇景物搜奇抉思日旰忘返苟得一聯一句則忻然自快嘗野逢一負薪者忽持之且厲聲曰我得之矣樵夫矍然驚駭掣臂棄薪而走遇游卒疑樵者爲偷兒執而訊之朴徐告卒曰適見負薪因得句耳卒乃釋之其句子孫何處閒爲客松栢被人伐作薪

彼有一士人以朴僻於詩句欲戲之一日跨驢於路遇朴在旁士人乃欲帽掩頭吟朴詩云禹力不到處河聲流向東朴聞之忿遽隨其後且行士

但促驢而去略不回首行數里追及朴告之曰僕詩河聲流向西何得言
流向東士人頷之而已閩中傳以爲笑或曰曉來山鳥鬧雨過杏花稀亦
朴詩也

古陵寒雨絕高鳥夕陽明句高情千里外長笑一聲初句右張爲取作主
客圖

黃巢至福州求得朴問曰能從我乎答曰我尙不仕天子安能從賊巢怒
斬之

孫魴

潤州金山寺張祐孫魴留詩爲第一篇山居大江中迥然孤秀詩意難盡
羅隱云老僧齋罷關門睡不管波濤四面生孫生句云結宇孤峯上安禪
巨浪閒又曰萬古波心寺金山名日新天多賸得月地少不生塵過櫓妨
僧定驚濤濺佛身誰言張處士題後更無人魴夜坐句云劃多灰漸冷坐
久席成痕沈彬曰此田舍翁火爐頭之作爾

魴南昌人唐末鄭谷避亂歸宜春魴往依之頗爲誘掖後有能詩聲終於南唐魴父畫工也王徹爲中書舍人草魴誥詞云李陵橋上不吟取次之詩顧凱筆頭豈畫尋常之物魴終身恨之

王易簡

易簡唐末進士梁乾化中及第名居榜尾不看榜卻歸華山尋就山釋褐授華州幕職後召入拜左拾遺又辭官歸隱留詩一絕曰汨沒朝班愧不才誰能低折向塵埃青山得去且歸去官職有來還自來及再召爲郎遷諫垣臺閣三十年歸華山十年而終

范攄之子

吳人范攄處士之子七歲能詩贈隱者曰掃葉隨風便澆花趁日陰方干曰此子他年必成名又吟夏日云閒雲生不雨病葉落非秋干曰惜哉必不享壽果十歲卒

鄭雲叟

全唐詩話
作在華

唐詩紀事

卷第七十一

七

無錫丁氏校刊

鄭徵君爲詩皆祛淫靡迴絕囂塵如富貴曲云美人梳洗時滿頭閒珠翠
豈知兩片雲戴卻數鄉稅又詠西施云素面已云妖更著花鈿飾臉橫一
寸波浸破吳王國又七言傷時帆力劈開滄海浪馬蹄踏破亂山青浮名
浮利過於酒醉得人心死不醒又題霍山秦尊師老鶴玄猿伴採芝有時
長嘯獨移時翠娥紅粉嬋娟劍殺盡世人人不知又偶題似鶴如雲一箇
身不憂家國不憂貧擬將枕上日高睡賣與世閒榮一作富貴人又思山詠
因賣丹砂下白雲鹿裘惟惹九衢塵不知將耳入山去萬是千非愁殺人
又景福中作云悶見戈鋌而四溟恨無奇策救生靈如何飲酒得長醉直
到太平時節醒又招友人遊春云誰把長繩繫日烏芳時偷取醉工夫任
堆金璧磨星斗買得花枝不老無又山居云閒見有人尋移庵更入深落
花流澗水明月照松林醉勸頭陀酒閒教孺子吟身同雲外鶴斷得世塵
侵又詩云冥心棲太室散髮浸流泉採柏時逢麝看雲忽見山夏狂衝雨
戲春醉戴花眠絕頂登雲望東都一點煙又詩云不求朝野知臥見歲華

移採藥歸侵夜聽松飯過時荷竿尋水釣背局上巖碁祭廟人來說中原
正亂離雲叟僖宗時應百篇舉不利遂隱華山月到君山酒半醒朗吟疑
有水仙聽無人識我真閒事贏得高秋看洞庭雲叟宿洞庭詩也

謝太虛

秋日洞庭懷王道士詩云漂泊日復日洞庭今更秋青楓亦何意此夜催
人愁惆悵客中月徘徊江上樓心知楚天遠目送滄波流謝客久已滅微
言無處求空餘白雲在容與隨孤舟千里杳難盡一身常獨遊故園復何
許江漢徒遲留

李嶼

過洞庭云浩渺注橫流千潭合萬湫半洪侵楚翼一汜屬吳頭動軸當新
霽漫空正仲秋勢翻荊口迨聲擁岳陽浮遠脈滋衡岳微涼散橘洲星辰
連影動嵐翠逐隅收漸落分行雁旋添趁伴舟昇騰人莫測安穩路何憂
氣與塵中別言堪象外搜此身如粗了來把一竿休

嶼光啟三年進士

江爲

岳陽樓云倚樓高望極
展轉念前途晚葉紅殘
楚秋江碧入吳雲中來雁
急天末去帆孤明月誰同
我悠悠上帝都

爲宋州人避亂家建陽游廬山師陳貺爲詩

唐詩紀事卷第七十一

唐詩紀事卷第七十二

僧法宣

僧中寤

僧子蘭

僧靈澈

僧靈一

僧清江

僧廣宣

僧法宣

和趙郡王觀妓應教詩云桂山留上客蘭室命淫妖城中畫廣黛宮內束
纖腰舞袖風前舉歌聲扇後嬌周郎不相顧今日管絃調

法宣貞觀閒人

僧中寤

儀鳳中青城翠圍山下有王仙柯將道蜀州僧中寤以詩贈之云瞻思不
及望仙兄早晚昇霞入太清手種一株松未老爐燒九轉藥新成心中已
得黃庭術頭上應無白髮生異日卻歸華表柱得教華俗並聞名自是復
隱後山更不復遇

僧子蘭

飲馬長城窟詩云遊客長城下飲馬長城窟馬嘶聞水腥為浸征人骨豈

不是流泉終不成潺湲洗盡骨上土不洗骨中冤骨若不流水四海有還魂空留嗚咽聲聲中疑是言

秋日思舊山六言云咸言上國繁華豈謂帝城羈旅十點五點殘雲千聲萬聲秋雨白雲江上故鄉月下風前困處欲去不去遲遲未展平生所佇襄陽曲云爲憶南州人移家大堤住千帆萬帆來過盡門前去

太平里尋兵部裴郎中云不語淒涼無限情荒堦行盡又重行昔年住此人何見空有槐花秋草生

贈行腳僧云世界曾行徧全無行可修炎涼三衲共生死一身体片斷雲隨體稀疎雪滿頭此門無所著不肯暫淹留

貪誠云多求待心足未足旋傾覆明知貪者心求榮不求辱

觀碁云拂局盡消時能因點路遲長頭初得計格手待無疑寂默親遺景凝神入過思共藏多少意不語兩相知

生於會稽本湯氏字澄源與吳興詩僧皎然遊皎然薦之包佶李紆以是
上人之名由二公而颺貞元中遊京師縉流嫉之造飛語激動中貴人浸
誣得罪徙汀州後歸會稽元和十一年終于宣州劉夢得曰詩僧多出江
右靈一導其源護國襲之清江揚其波法振沿之如幺絃孤韻警人人耳
非大音之樂獨吳興晝公能備衆體澈公承之至如芙蓉園新寺詩曰經
來白馬寺僧到赤烏年謫汀州云青蠅爲弔客黃犬寄家書可謂入作者
闡域豈獨雄僧詩僧閒耶

初到汀州云初放到汀州前心詎解愁舊交容不拜臨老學梳頭禪室白
雲去故山明月愁幾年猶在此北戶水南流

元日觀郭將軍早朝云欲曙九衢人更多千條香燭照銀河今朝始見金
吾貴連馬縱橫避玉珂

九日和于使君思上京親故云清晨有高會賓從出東方楚俗風煙古汀
州草木涼山清來遠思菊意在重陽心憶華池上從容鴛鷺行皎然亦賦

云霽景滿水國我公望江城碧山與黃花爛熳多秋情搖落見松柏歲寒

比忠貞歡娛在鴻都是日思朝英毛本云抒山集不載

澈於東林寺寄陳丘二侍郎云年老心閒無外事麻衣草坐亦容身相逢

盡道休官去林下何曾見一人弘秀集作寄韋丹刺史

柳宗元韓漳州書報澈上人亡因寄二絕云早歲京華聽越吟聞君江海

分逾深他時若寫蘭亭會莫畫高僧支道林又云頻把瓊書出袖中獨吟

遺句入秋風桂江日夜流千里揮淚何時到甬東又聞澈上人亡寄侍郎

楊丈云東越高僧還姓湯幾時瓊珮觸鳴璫空花一散不知處誰採金英

與侍郎

權載之送上人廬山回歸沃州序云吳興長老畫公綴六義之清英首冠

方外入其室者有沃州澈上人心冥空無而迹寄文字故語其夷易如不

出常境而諸生思慮終不可至其變也如風松迭韻冰玉相扣層峯千仞

下有金碧聳鄙夫之目如不敢視三復則淡然天和晦於其中故睹其容

覽其詞者知其心不待境靜而靜况會稽山水自古絕勝東晉逸民多遺
身世於此夏五月上人自鑪峯言旋復于是邦予知夫拂方袍坐輕舟泝
沿鏡中靜得佳句然後深入空寂萬慮灑然則嚮之境物又其稊稗也鄙
人方景行企尙之不暇惡敢以離羣爲歎

澈與劉夢得友善夢得送僧仲端東遊末句呈澈云一旦揚眉望沃州自
言王謝許同遊憑將雜體三十首寄與江南湯惠休

權載之酬以詩代書見寄云蓮花出水地無塵中有南宗了義人已取貝
多翻半字還將陽燄諭三身碧雲飛處詩偏麗白月圓時性本真更喜開
緘銷熱惱西方社裏舊相親

載之月夜宿澈上人房云此身會逐白雲去未洗塵纓還自傷今夜幸逢
清淨境滿庭秋月對支郎

劉長卿送師云蒼蒼竹林寺杳杳鐘聲晚荷笠帶殘陽青山獨歸遠

長卿酬師相招云石澗泉聲久不聞獨臨長路雪紛紛如今漸欲生黃髮

願脫頭冠與白雲

張祜題澈上人舊房云寂寞空門支道林滿堂新板舊知音秋風吹葉古廊下一半繩牀燈影深祜又寄詩云老僧何處寺秋夢遶江濱獨樹月中鶴孤舟雲外人榮華長指幻衰病久觀身應笑無成者滄洲垂一輪一作繪呂溫在道州戲贈云僧家亦有芳春興自是禪心無滯境君看池水湛然時何曾不受花枝影

僧靈一

新泉詩云泉源新湧出洞徹映纖雲稍落芙蓉沼初淹苔蘚文了將空性一作色淨素與衆流分若對清宵月冷然夢裏聞劉長卿和云東林一泉出復與遠公期石淺寒流處山空夜落時夢閒聞細響慮淡向清漪動靜皆無意唯應道者知

與元居士青山潭飲茶云野泉煙火白雲閒坐飲香茶愛此山巖下維舟不忍去清溪流水暮潺潺

送陳允初卜居麻源云欲向麻源隱能尋謝客蹤空山幾千里幽谷第三重巖宇寧須葺荷衣不待縫因君見往事爲我謝喬松

送人得蕩子歸倡婦云垂涕憑回信爲語柳園人情知獨難守又是一陽春

酬皇甫冉西陵見寄云西陵潮信滿島嶼沒中流越客依風水相思南渡頭寒光生極浦落日映滄洲何事揚帆去空驚海上鷗

溪行卽事云近水山更碧入林溪轉清不知伏牛地潭洞何縱橫曲岸煙初合平湖月未生孤舟屢失道但聽秋泉聲

重還宜豐寺云載過招隱寺重會息心期樵客問歸日山僧寄別詩野雲陰遠甸秋水漲前陂勿謂頻來此吾今不好奇

酬皇甫冉西陵見寄以下三章姚合取爲極玄集

酬皇甫冉將赴無錫雲門寄別云湖南通古寺來往意無涯欲識雲門路千峯向若耶春山子猷宅古木謝敷家自是長偕隱那云相去賒

靜林精舍梁武隱所有鐘磬古物云靜林溪路遠蕭帝有遺踪水擊羅浮

磬山鳴于闐鐘燈傳三世火樹老萬株松無復煙霞色空聞昔臥龍

毛本引中

興閒氣集題云靜林寺即武帝隱居之所有鐘磬皆古物時有聲

雨後尋天目山問元駱二公溪路云昨夜雲生天目東春山一雨幾回風

林花併逐溪流下欲上龍門通不通

無錫下三章高仲武取為中興閒氣集

自大林與韓明府歸郭中精舍云野客同舟楫相攜復一歸孤煙生暮景

遠岫帶春暉不道還山是誰云向郭非禪門有通隱喧寂共忘機

靈一宿天柱觀詩云石室因投宿仙翁幸見容花源隨水遠洞府過山逢

泉湧堦前地雲生戶外峯中宵自入定非是欲降龍

毛本云才調集入僧太易

靈一自青山詣於潛道中呈元八居士云茗水灘行淺潛州路漸深參差

遠岫色迢遞野人心凍澗冰難釋秋山日易陰不知天目下何處訪雲林

高仲武云自齊梁以來道人為文者多矣少有入其流一公乃能刻意精

妙與士大夫更唱遞和不其偉歟泉湧堦前地雲生戶外峯則道猷寶月

曾何及此

空山幾千里幽谷幾三

陳羽送靈一上人云十年勞遠別一笑喜相逢又上青山去青山千萬重
皇甫冉小江懷靈一上人云江上年年春草津頭日日人行借問山陰遠
近猶聞薄暮鐘聲

錢起寄靈一上人初歸雲門寺云寒山白雲裏法侶自招攜竹逕通城下
松門隔水西同期沃州去不作武陵迷彷彿心知處高峯是會稽

嚴維哭靈一上人云一公何不住空有遠公名共說春山路今時不可行
舊房松更老新塔草初生經論傳緇侶文章徧墨卿禪林枝幹折法宇棟
梁傾誰復修僧史應知傳已成

靈一大曆貞元閒僧也

僧清江

夕次襄邑云何處成吾道經年遠路中客心猶向北河水自歸東古戍鳴
寒角疎林振夕風輕舟唯有月那與故人同

病起云身世足堪悲空房臥病時卷簾花雨滴掃室竹陰移已覺生如夢

堪嗟壽不知未能通法性詎可免支離

毛本云或作
長安臥疾

宿嚴維宅簡章八元詩云佳期會不遠甲第卽南鄰惠愛偏相及經過豈
厭貧秋光林葉動夕霽月華新莫話羈棲事平原是主人

贈淮西賈兵馬使云破虜功成百戰場天書親拜漢中郎應門旌旆春風
起對客絃歌白日長堦下鬪雞花乍折營南試馬柳初長由來楚蜀多同
調感激逢君共異鄉

九日菊花詠應制可訝東籬菊能知節候芳細枝青玉潤繁蘂碎金香浮
氣凝朝露濃滋帶夜霜泛盃傳壽酒應共樂時康

毛本云弘秀
集入廣宣

僧廣宣

李益重陽夜集蘭陵居與宣供奉聯句益云蟋蟀催寒服茱萸滴露房酒
巡明刻燭籬菊暗尋芳宣云新月知秋露繁星混夜霜登高今夕事九九
是天長

九月十五日夜宿鄭尙書綈東亭望月寄杜給事云霜天昨夜宿東齋松

竹交陰愜素懷迴出風塵心得地可憐三五月當堦清光滿院思情見寒
色臨門歎語諧霄漢路殊從道合往來人自不相乖鄭綱奉酬宣上人九
月十五日東亭望月見贈因懷紫閣舊遊云中年偶逐鴛鸞侶弱歲多從
麋鹿羣紫閣道流今不見紅樓禪客早曾聞松齋月朗星初散苔砌霜繁
夜欲分一覽綵牋佳句滿何人更詠惠休文

中秋夜獨遊安國寺山亭步月李益遲明至寺中求與聯句宣云九重城
接天花界三五秋分一夜風行聽漏聲雲散後遙聞天語月明中益云含

涼閣近通仙掖承露盤高出上宮誰問獨愁圖外理清談不與昨宵同

李益與師攜瘦罇歸杏園聯句益云千畦抱甕園一酌瘦罇酒唯有沃州
僧時過杏溪叟宣云追歡君適性獨飲我空口儒釋事雖殊文章意多偶
王起於會昌中放第二榜宣以詩寄賀曰從辭鳳閣掌絲綸便向青雲領
貢賓再闢文場無枉路兩開金榜絕冤人眼看龍化門前水手放鶯飛谷
口春明日定歸台席去鵲鷓原上共陶鈞起和云延英面奉入春闈亦選

功夫亦選奇在治只求金不耗用心空學秤無私龍門變化人皆望鶯谷
飛鳴自有時獨喜向公誰是證彌天上士與新詩劉夢得和云禮闈新榜
動長安九陌人人走馬看一日聲名徧天下滿城桃李屬春官自吟白雪
銓辭賦指示青雲惜羽翰借問至公誰印可支郎天眼定中觀元微之和
王侍郎酬宣上人詩云渥洼徒自有權奇伯樂書名世始知競走牆前希
得售高懸日下表無私都中紙貴流傳後海外金填姓字時珍重劉餘因
首薦爲君送和碧雲詩

宣會昌閒有詩名與劉夢得最善宣寄居在蜀與常令公唱和詩劉答云
碧雲佳句久傳芳曾向成都住草堂振錫常過長者宅披文猶帶令公香
一時風景添詩思八部人天入道場若許相期同結社吾家本自近柴桑
退之有廣宣上人頻見過詩云三百六旬長擾擾不衝風雨卽塵埃久慙
朝士無裨補空愧高僧數往來學道窮年何所得吟詩竟日未能回天寒
古寺遊人少紅葉窗前有幾堆

樂天別宣上人云上人處世界清淨何所似似彼白蓮花在水不著水性
眞悟泡幻行潔離塵滓脩道未幾時身心俱到此嗟予牽世網不得長休
止離念與碧雲秋來朝夕起

宣以應制詩示樂天時詔許上人居安國寺紅樓以詩供奉樂天有詩云
道林談論惠休詩一到人天便作師香積筵承紫泥詔昭陽歌唱碧雲詞
紅樓許住請平聲銀鑰翠輦陪行蹋玉墀惆悵甘泉曾侍從與君前後不同
時

李益贈宣大師云一國沙彌獨解詩人人道勝惠休師先皇詔下徵還日
今上龍飛入內時看月夜來松寺宿尋花思作虎溪期因論佛地求心地
祇說常吟是住持

唐詩紀事卷七十二

全王誦兼入內初晉日奇來公... 李益銀直大聊云一圖為...

... 驗錄不釐剖百國王... 甘泉曾封益與...

... 一陸人天... 補香... 承業... 臨... 即...

... 不樂天... 帝... 土人... 國... 寺... 孫... 魁... 以... 藉... 舟... 奉... 樂... 天... 百... 詩... 云...

唐詩紀事卷第七十二

唐詩紀事卷第七十三

僧法振
僧常雅
僧隱求
僧法照
僧洽然

金地藏
僧皎然
僧護國
僧含曦

僧法振

月夜泛舟云西塞長雲盡南湖片月斜漾舟人不見臥入武陵花

趙使君生子晬日詩云毛骨貴天生肌膚片玉明見人空解笑弄物不知

名國器嗟猶小風神望益清抱來芳樹下時引鳳雛聲毛本云才調集入護國

送人遊閩越云不須行借問為爾話閩中海島春冬兩江帆來去風道遊

玄度宅身寄朗陵公此別何傷遠如今關塞通

疾愈寄友人云哀樂暗成疾臥中芳月移西山有清士孤峭不可追擣藥

曙林靜汲泉陰澗遲微蹤與麋鹿遠謝裘羊知送人遊閩以下二章姚合取為極立集

題天長阮少府湖土客歸云孤棹移官舍新農寄楚田晴林渡海日春草

長湖煙對臥閒鷗戲談經穉子賢佳期更何許應向笑臺前

陳九溪中草堂云溪草落濺濺魚飛入稻田早寒臨洞月輕素卷簾煙頰
饋題新句蓑衣象古賢曙花閒秀色三十六峯前

送韓侍御自使幕巡海北云微雨空山洗夜兵繡衣朝拂海雲清幕中贈
策心應苦馬上題詩卷已成離筵莫惜花園醉古道猶看蔓草生因說元
戎能破虜高歌一曲隴關情

李益與振同賦應門照綠苔益詩云宮闕何年月應門何歲苔清光一以
照白露共徘徊珠履久行絕玉房重未開妾心正如此昭陽歌唱來

李益送賈弇祕校東歸寄振上人云北風南鴈數聲悲况指前林是別時
秋草不堪頻送遠白雲何處更相期山隨疋馬行看落路入寒城獨去遲
爲向東州故人道江淹已擬惠休詩

僧常雅

題伍相廟云蒼蒼古廟映林巒漠漠煙霞覆石壇精魄不知何處在威風

猶入浙江寒

僧隱求

石橋琪樹云山上天將近人閒路漸遙誰當雲裏見知欲渡仙橋

僧法照

送禪師歸新羅云萬里歸鄉路隨緣不算程登山百衲敝過海一杯輕夜

宿依雲色晨齋就水聲何年持貝葉卻到漢家城

毛本云弘秀集題送無著禪師歸新羅國

寄錢郎中云閉門深樹裏閒足為經過駟馬不為貴一僧誰奈何稻苗家自有香飯乞時多寄語嬋娟客將心向薜蘿

僧泠然

宿九華化城寺莊詩云佛寺孤莊千嶂閒我來詩境強相關巖邊樹動猿下礮雲裏錫鳴僧上山松月影寒生碧落石泉聲亂噴潺湲明朝更躡層霄去誓共煙霞到老閒

泠然唐末僧也

金地藏

新羅國王子也至德初落髮航海隱於池之九華山送童子下山詩云空門寂寞汝思家禮別雲房下九華愛向竹欄騎竹馬懶於金地聚金沙添瓶澗底休招月烹茗甌中罷弄花好去不須頻下淚老僧相伴有煙霞

僧皎然

姓謝字清晝吳興人靈運十世孫居杼山顏真卿爲刺史集文士撰韻海皎然預其論著貞元中集賢院取其集藏之于頤爲序

嘗於舟中杼思作古體數十篇求合章蘇州章大不喜明日獻其舊製乃極稱賞云向不但以所工見投而猥希老夫之意人各有所得非卒得至晝大服其鑿裁之精

訪陸羽云太湖東西路吳王古山前所思不可見歸鴈自翩翩何山賞春茗何處弄春泉莫是滄浪子悠悠一釣船

舟行懷閻士和云二月湖南春草徧橫山渡口花如霰相思一日在孤舟空見歸雲兩三片

白雪云夕陽在西峯疊翠縈殘雪狂風卷絮回驚猿攀玉折何意山中人
誤報山花發

詠史云田氏門下客馮公衆中賤一朝市義還百代名獨擅始知下客不
可輕能使主人功業成借問高車與珠履何如卑賤一書生又云獨負高
世姿冥冥寄浮俗卜子去不歸何人識荆玉鬻春意不淺汚跡身豈辱鸞
鍛樂述遭刺蟠甘窘束五噫譎且正可以見心曲

思歸示說公云桐江春信早憶在故山時靜夜風鳴磬無人竹掃墀猿來

觸淨水鳥下啄寒梨何物關吾事歸心自有期毛本云弘秀集早秋桐廬
思歸示道諺上人極立集

又作思歸
示故人

題審道士新亭云何處好攀躋新亭俯舊溪坐中千里近簷下四山低小
浦依林曲回塘遶郭西桃花春滿地歸路莫相迷

懷舊山云一坐西林寺從來未下山不因尋長者無事到人閒宿雨愁爲

客看花笑未還空懷舊山月童子念經閒按毛本云與七十
六卷滄浩詩同

陪盧中丞閒遊山寺云野寺出人境捨舟登玉峯林開明見月萬壑靜聞

鐘擁燭明山翠交塵動水容如何股肱守塵外得相逢

毛本云本集不載

同裴錄事樓上望月云退食高樓上湖上向晚晴桐花落萬井月影出重

城水竹涼風起簾幃暑氣清蕭蕭獨無事因見蒞人情

仙女臺云寂寂舊桑田何時女得仙應無雞犬在空有子孫傳古木花猶

發荒臺路未遷暮來人一片疑是欲歸年

陪盧使君登樓送方巨之還京云萬里汀洲上東樓欲別難春風潮水漫

正月柳條寒旅逸逢魚浦清高愛鳥冠雲山寧不起今日上長安

尋陸鴻漸不遇云移家雖帶郭野逕入桑麻近種籬邊菊秋來未著花叩

門無犬吠欲去問西家報道山中去歸來日每斜

酬崔侍御見贈云買得東山後逢君小隱時五湖遊不厭柏署迹如遺儒

服何妨道禪心不廢詩一從居士說長破小乘疑

本集不載

著溪春興云春生著溪水雨後漫流通芳草行無盡清源去不窮野煙迷

急浦斜日起微風數處承流望依稀似剡中

湖南草堂讀書招李少府云削去僧家事南池便隱居爲憐松子壽還卜

道家書藥院常無客茶樽獨對余有時招逸吏來飯野中蔬

毛云本集不載

宿吳匡山破寺云雙峯百戰後真界滿塵埃蔓草沿空壁悲風起故臺野

花寒更發山月暝還來何事池中水東流獨不回

宿法華寺云心與空林共杳冥孤燈寒竹自熒熒不知何處小乘客一夜

風來聞誦經

毛云已下三首本集不載

答李季蘭云天女來相試將花欲染衣禪心竟不起還捧舊花歸

酬鄭判官湖上見贈云歲歲湖南隱已成如何星使忽知名沙鷗慣識無

心客今日逢君不解驚

贈韓武康云山僧雖不飲沽酒飲陶潛此興唯無別多爲俗士嫌

微雨云片雨拂簷楹煩襟四座清霏微過麥隴蕭瑟傍莎城靜愛和梅落

幽聞入竹聲朝觀趣無限高詠寄閒情

題廢寺云武陵罹亂後真界積塵埃殘月照秋水悲風送古臺居人今已盡棲鴿暝還來不到無生理應堪賦七哀

賦得啼猿送客三峽云萬里巴江外三聲月峽深何年有此路幾客共霑襟斷壁分重影流泉入苦吟淒淒別離後聞此更傷心

微雨以下三章姚合取爲極玄集

韋蘇州寄皎然云吳興老釋子野雪蓋精廬詩名徒自振道心常晏如想茲栖禪夜見月東峯初鳴磬驚巖壑焚香滿空虛夙慕端成舊未識豈爲疎願以碧雲思方君怨別餘茂苑文華地流水古僧居何當一遊詠倚閣吟躊躇

皎然詩式著偷語詩例云如陳后主詩日月光天德取傅長虞日月光太清上三字語同下二字義同偷義詩例云如沈佺期詩小池殘暑退高樹早涼歸取柳渾太液滄波起長楊高樹秋偷勢詩例云如王昌齡詩手攜雙鯉魚目送千里鴈悟彼飛有適嗟此罹憂患取嵇康目送歸鴻手揮五絃俯仰自得遊心太玄詩式云詩有跌宕格二品一曰越俗其道如黃鶴

臨風貌逸神王杳不可羈郭景純遊仙詩左挹浮丘袖右拍洪崖肩鮑明遠詩舉頭四顧望但見松柏繁荆棘鬱叢叢中有一鳥名杜鵑言是古時蜀帝魂聲音哀苦鳴不息羽毛憔悴侶人髡飛走樹閒啄蟲螿豈知往日天子尊念茲變化非常理中心惻隱不能言二曰駭俗其道如楚有接輿魯有原壤外示驚俗之貌內藏達人之度郭景純遊仙詩嫦娥揚妙音洪崖頷其頤王梵志道情詩我昔未生時冥冥無所知天公彊生我生我復何爲無衣使我寒無食使我饑還你天公我還我未生時賀知章放達詩云落花真好夢一醉一回顛盧照鄰漫作云城狐尾獨傲山鬼面參譚渥沒格一品曰淡俗此道如夏姬當壚似蕩而貞吳楚之風雖俗而正古歌曰華陰山頭百尺井下有流泉澈骨冷可憐女子來照影不照其餘照斜頷調笑格一品曰戲俗漢書云匡鼎來解人頤蓋說詩也此一品非雅作足以爲談笑之資矣李白狂詠女媧弄黃土搏作愚下人散在六合閒濛濛若埃塵

僧護國

贈張駙馬斑竹拄杖詩云此君與我在雲溪勁節奇文勝杖藜惟有歲寒贈堪遠玉堦行處願提攜

護國江南人攻詞翰題醴陵玉仙觀歌云王喬一去空仙觀白雲至今凝不散星垣松殿幾千秋往往笙歌下天半瀑布西行過石橋黃精採根還採苗路逢一人擎一椀松花夜雨風吹滿又言家住在東坡白犬相隨邀我過南山石上有碁局曾使樵夫爛斧柯

張謂哭護國上人云昔喜三身淨今悲萬劫長不應歸北斗多是向西方舍利衆生得袈裟弟子將鼠行殘藥椀蟲網舊繩牀別起千花塔空留一草堂支公何處在神理竟茫茫

僧含曦

盧仝訪含曦上人云三入寺曦未來轆轤無繩井百尺渴心歸去生塵埃曦酬云長壽寺石壁盧公一首詩渴飲卽不渴饑食卽不饑鯨吞海水盡

露出珊瑚枝海神知貴不知價留向人閒光照衣

唐詩紀事卷第七十三

不取爵留向人間光烈走

唐詩紀事卷第七十四

僧文秀

僧尙能

僧棲白

僧無可

僧神穎

僧懷濬

僧應物

僧可朋

僧雲表

僧文秀

端午詩云節分端午有誰言萬古傳聞爲屈原堪笑楚江空浩浩不能洗
得直臣冤

秀唐末詩僧也鄭谷喜秀上人相訪詩有宅夜僧堂宿論詩更入微之句
又次韻秀上人長安寺居言懷云舊齋松老別多年香社人稀喪亂閒出
寺只知趨內殿閉門長似在深山又重訪秀上人云展畫長懷吳寺殿宜
茶偏賞雪溪泉又寄題詩僧秀公云靈一心傳清塞心可公吟後楚公吟
近來雅道相親少唯仰吾師所得深好句未停無暇日舊山歸老有東林
吟曹孤宦甘寥落多謝攜筇數訪尋秀南僧也而居長安以文章應制故
谷送遊五臺詩云內殿評詩切身回心未回

僧尙能

中秋旅懷云所畜惟騷雅兼之得固窮望鄉連北斗聽雨帶西風稼穡村坊遠煙波路逕通冥搜清絕句恰似有神功

僧棲白

中秋夜月云尋常三五夕不是不嬋娟及到中秋半還勝別夜圓清光凝有路皓色爽無煙自古人皆玩年來更一年

哭劉得仁云爲愛詩名剛到此

一作吟至死

風魂雪魄去難招直教

一作須

桂子

落墳上生得一枝怨

一作冤始銷

送造微上人遊五臺及禮本師云寒空金錫響欲過渭陽津極目多來鴈孤城少故人與師難久別於法本相親又對清涼月中宵語宿因

送僧歸舊山云談空與破邪獻壽復榮家白日得何偈青天落幾花傳燈皆有分化宿獨無涯卻入中峯寺還知有聚沙

曹松薦福贈白上人云才子紫檀衣明君寵顧時請昇高坐懶書答重臣

遲瓶勢傾圓頂刀聲落碎髭還聞穿內禁隨駕進新詩

李洞贈白上人云險倚石屏風秋濤夢越中前朝吟侶散故國講流終此地聞巴狄南山見磧鴻樓高驚雨闊木落覺城空兔滿期姚監蟬稀別楚公淨瓶光照客拄杖朽生蟲平地塔千尺半空燈一籠祝堯談幾句旋鶴海潮東

洞又哭白上人云聞說孤窗臥化時首摩羅雨滴空池吟詩堂裏秋開影禮佛燈前夜照碑賀雪已成金殿夢看濤終負石橋期逢山對月還惆悵爭得無情似祖師

僧無可

中秋翫月云蟾宜天地靜三五對塔明照耀超諸夜光芒掩衆星影寒池更澈雲冷樹稍青枉值中秋夜長乖宿洞庭

夏晚陪姚合員外遊金州南池云柳暗青波漲衝萍復漱苔張筵白鳥下掃岸使君來洲島秋應沒荷花晚盡開高城吹角絕騶馭尙徘徊

冬日寄僧友云
斂屨入寒竹
安禪過漏聲
高杉殘葉落
深井凍痕生
罷磬風枝動
懸燈雪屋明
何當招我友
乘月上方行

秋夜宿西林寄賈島云
暗蟲喧暮色
默思坐西林
聽雨寒更盡
開門落葉深
昔因京邑病
併起洞庭心
亦是吾兄弟
遲回共至今

秋日寄厲玄云
楊柳起秋色
故人猶未還
別離何自苦
少壯豈能閒
夜雨吟殘燭
秋城憶遠山
何當同一一作相見
語默此林閒

廬山寺云
千峯盤磴盡
林寺昔年名
步步入山影
房房聞水聲
多年人跡絕
一作斷殘月一作照
石冰清便可求
居止安閒過此生

題青龍寺僧房云
從誰得法印
不離上方傳
夕磬城霜下
寒房竹月圓
煙殘衰月畔
客住積雲邊
未隱滄洲去
時來於此禪

新年作云
然燈朝復夕
漸作長年身
紫閣未歸日
青門又值春
掩關寒過盡
出定草生新
自有林中趣
誰驚歲月一作去頻

贈圭峯禪師云
絕壑禪牀底
泉分落石層
露澆高頂草
雪隱下方燈
朝滿

傾心客溪連學道僧半旬持一食此事有誰能

金州別姚合云日日西亭上春留到夏殘言之離別易免以道途難山出一千里溪行三百灘松閒樓月裏秋入五陵寒白閣未歸日青門又值春

句半天傾瀑溜數里見廬峯

句

右張爲取作主客圖

姚合送無可往越州云清晨相訪門前立麻履方袍一少年懶讀經文求作佛願攻詩句覓成仙芳春山影花連寺觸夜潮聲月滿船今日送行偏惜別共師文字有因緣

李洞贈可上人云寺門和鶴倚香杉月吐秋光到思嚙將法傳來穿泐漭把詩吟去入嵌岩模糊書卷煙嵐滴狼籍衣裳瀑布緘不斷清風牙底嚼無因內殿得名銜

僧神穎

和王季文題九華山云衆嶽推分野九華鎮南朝彩筆凝空遠崔嵬奇青霄龍潭古仙府靈藥今不凋瑩爲滄海境煙霞作荒標造化心數奇性狀

精氣饒玉樹鬱玲瓏天籟韻蕭寥寂寂尋乳竇兢兢行石橋通泉漱雲母
藉草縈香茗我在幽且深君賞昏復朝稀逢發清唱片片霜凌颺

宿嚴陵釣臺云寒谷荒臺七里洲賢人永逐水東流獨猿叫斷青天月千
古冥冥潭樹秋

僧懷濬

秭歸郡僧懷濬不知何所人乾寧初知來藏往皆有神驗刺史于公以其
惑衆繫而詰之乃以詩代通狀云家在閩山西復西其中歲歲有鶯啼如
今不在鶯啼處鶯在舊時啼處啼又詰之復有詩云家在閩山東復東其
中歲歲有花紅而今不在花紅處花在舊時紅處紅守異而釋之詳其詩
意似在海中得非杯渡之流乎出北夢瑣言

僧應物

龍潭云石激懸流雪滿灣五龍潛處野雲閒漸收雷電九峯下且飲溪潭
一水閒浪引浮槎依北岸波分曉日浸東山回瞻四面如看畫須信遊人

不欲還

題化城寺云平高選處創蓮宮一水縈流處處通畫閣書開紅日畔禪房
夜掩碧雲中平川不見龍行雨幽谷遙聞虎嘯風偶與友人論法要眞元
浩浩理無窮

應物大中時江南詩僧也與羅鄴倡酬作九華山記

僧可朋

可朋丹稜人少與延讓爲風雅之友有詩千餘篇號玉壘集題洞庭詩云
水涵天影闊山拔地形高贈友人曰來多不似客坐久卻垂簾歐陽炯以
此比孟郊賈島言其好飲酒貧無以償酒債故特賙之可朋自號醉髡贈
方干詩云月裏豈無攀桂分湖中空賞釣魚休杜甫舊居云傷心盡日有
啼鳥獨步殘春空落花寄齊己云唯陪北楚三千客多話東林十八賢劉
公詩話云有詩僧讀洪州滕王閣詩謂守者詩總不佳何不除卻守云僧
能佳乎卽吟曰洪州太白方積翠滿穹蒼萬古遮新月半江無夕陽守異

之然南方浮屠能詩者多矣予嘗見可朋詩云虹收千嶂雨潮落半江天
又云詩因試客分題僻碁爲饒人下著低不減唐人

出詩話

孟昶廣政十九年賜詩僧可朋錢十萬帛五十匹孟蜀歐陽炯與可朋爲
友是歲酷暑中歐陽命同僚納涼於淨衆寺依林亭列樽俎衆方權適寺
之外皆耕者曝背烈日中耘田擊腰鼓以適倦可朋迺作耘田鼓詩以贄
歐陽衆賓朋遽命撤飲詩曰農舍田頭鼓王孫筵上鼓擊鼓兮皆爲鼓一
何樂兮一何苦上有烈日下有焦土願我天公降之以雨令桑麻熟倉箱
富不饑不寒上下一般言雖淺近而極於理君子謂可朋諫而歐陽善聽
焉

朋賦洞庭云周極八百里凝眸望則勞水涵天影闊山拔地形高賈客停
非久漁翁轉幾遭颯然風起處又是鼓波濤

僧雲表

寒食詩云寒食悲看郭外春野田無處不傷神平原纍纍添新冢半是去

年來哭人

唐詩紀

事

卷第七十四

五

無錫丁氏校刊

唐詩紀事卷第七十四

唐詩紀事卷第七十五

僧虛中

僧貫休

僧齊己

殷七七

許碯

許宣平

裴翛然

僧虛中

寄中條司空圖侍郎詩曰門徑放莎垂往來投刺稀有時聞

一作開

御札特

地掛朝衣嶽信僧傳去天香鶴帶歸他年二南旨無復更衰微又云逍遙短褐成一劍動精靈白晝夢仙島清晨禮道經黍苗侵野逕桑椹汚閒庭肯要為隣者西南太華清圖贈虛中云十年華嶽峯前住只得虛中兩首詩言得其意趣也

虛中宜春人也遊瀟湘山水與齊己尙顏棲蟾為詩友住湘西栗城寺潭州馬氏子希振侍中好事每出迎納於閣虛中好燒火煙昏彩翠去後又復粉飾又題馬侍郎池亭云嘉魚在深處幽鳥立多時

聽軒轅先生琴云訣妙與功精通宵鄰上橫一堂風冷淡千古意分明坐

客神魂靜巢禽耳目傾酷哉商紂世曾不遇先生

芳草云綿綿芳草綠何處動深思金谷人亡後沙場日暖時龍鱗藏有瑞
風雨灑無私欲採蘭兼蕙清香可贈誰

善卷壇云耕荒鑿原時高趣在希夷大舜欲遜國先生空斂眉五溪清不
足千古美無虧縱遣亡淳者何人投所思

亡淳字
傳疑

經賀監舊居云不戀明皇寵歸來鏡水隅道裝汀鶴識春醉釣人扶逐朶
雲如吐成行雁似驅蘭亭名景在蹤跡未爲孤

贈屏風巖棲蟾上人云巖房高且靜住此幾寒暄鹿麩安禪石猿啼乞食
村朝陽生樹罅古路透雲根獨我閒相覓淒涼碧洞門

泊洞庭云槐柳未知秋依依館驛頭客心俱念遠時雨自相留浪沒貨魚
市帆高賣酒樓夜來仍展轉故里在南州

僧貫休

姓姜氏字德隱婺州蘭溪人錢鏐自稱吳越國王休以詩投之曰貴逼身

來不自由幾年勤苦蹈林丘滿堂花醉三千客一劍霜寒十四州萊子衣
裳宮錦窄謝公篇詠綺霞羞他年名上凌煙閣豈羨當時萬戶侯鏐諭改
爲四十州乃可見也曰州亦難添詩亦難改然閒雲孤鶴何天而不可飛
遂入蜀以詩投王建曰河北河南處處災惟聞全蜀少塵埃一瓶一鉢垂
垂老千山千水得得來秦苑幽棲多勝景巴歛陳貢愧非才自慙林藪龍
鍾者亦得親登郭隗臺建遇之甚厚建二年召令誦近詩時貴戚皆坐休
欲諷之乃稱公子行云錦衣鮮華手擎鷓閒行氣貌多輕忽稼穡艱難總
不知五帝三皇是何物建稱善貴倖皆怨之休與齊已齊名有西嶽集十
卷吳融爲之序卒死于蜀

休每得句云只堪供養佛故懷贈武昌樓一云風清江上月霜灑月中砧
得句先呈佛無人知此心

休工篆隸初在荊州成中令問其筆法曰此事須登壇而授詎可草草言
之成怒遞放黔中因爲病鶴詩曰見說氣清邪不入不知爾病自何來

赤旃檀塔六七級白菡萏花三四枝禪客相逢只彈指此心能有幾人知
石霜問曰如何是此心休不能答石霜云汝問我答休卽問之霜云能有
幾人知

唐寇亂休避地渚宮荆帥高氏優待之館於龍興寺會有謁宿話時政不
治乃作酷吏詞以刺之云霰雨灑灑風吼如斲有叟有叟暮投我宿吁歎
自語云太守酷如何如何掠脂幹肉吳姬唱一曲等閒破紅束韓娥唱一
曲錦段鮮照屋寧知一曲兩曲歌曾使千人萬人哭不惟哭亦白其頭饑
其族所以祥風不來和風不復蝗兮螿兮東西南北遂離荆門直趨井絡
上蜀主陳情之詩

春山行云重疊太古色濛濛花雨時好山行恐盡流水語相隨黑壤生紅
黍黃猿領白兒因思石橋日曾與道人期

晚泊湘江懷古云煙浪漾秋色高吟似得隣一輪湘渚月千古獨醒人岸
溼穿花遠風香禱廟頻只應諛佞者到此不傷神

天台老僧云獨住無人處松龕嶽雪侵僧中九十臘雲外一生心白髮垂
不剃青眸笑更深猶能指孤月爲我暫開襟

寒夜思盧山賈生云山兄詩僻甚寒夜更何爲覓句如頑坐嚴霜打不知
石膏黏木履崖栗落冰池近見禪僧說生涯勝往時

雪夜寄友人云皓彩中宵合開門失所從何年今夜意共子老孤峯氣射
燈花落光侵壁罅濃唯君心似我吟到五更鐘

苦熱云松桂晝不動陽烏飛半天稻麻難結實沙石欲生煙毒氣仍干扇
高枝不立蟬舊山多積雪歸去是何年

途中逢周朴云東西南北路相遇共興衰世獨一作濁無知己子從何處來

菊衰芳草在程遠宿煙開倘遇中興主還應不用媒

題律師院云律中鱗角者高淡出塵埃芳草不曾觸幾生如此來壑風吹
磬斷杉露滴花開如結林中社伊余願一陪

言詩云經天緯地物動必是仙才幾處覓不得有時還自來眞風含素髮

秋色入靈臺吟向霜蟾下終須神鬼衰

休糧僧云不食更何求自由終自由身輕嫌衲重天旱爲民愁應器誰將
去生堂蟻不遊會須傳此術歸去老林丘

觀地獄圖云峩峩非劍閣有樹不堪攀佛手遮不得人心似等閒周王應
未雪白起更何顏盡日空彈指忙忙塵世閒

山居五首云休話喧譁事事難山翁只合住深山數聲清磬是非外一箇
閒人天地閒綠圃空堦雲冉冉異禽靈草水潺潺無人爲向君王道巖桂
枝高正好攀又云誰是言休即便休清吟孤坐碧溪頭三閒茆屋無人到
十里松關獨自遊明月清風宗炳社夕陽秋色庾公樓修心未到無心地
萬種千般逐水流又云心心不住希夷石室巉巖白髮垂惜竹不除當
路笋愛松留得礙人枝焚香開卷雲生砌卷箔冥心月在池無限故人頭
盡白不知頭白一作今日又何之又云自古浮華能幾朝逝波終日去滔滔漢
王廢苑生秋草吳主荒宮入夜濤滿屋黃金機不息一頭白髮氣猶高豈

知物外金仙子甘露天香滴毳袍又云翠竇煙巖畫不成桂華瀑沫雜芳
馨撥霞掃雪和雲母掘石移松得茯苓好鳥傍花窺玉磬嫩苔和水汲金
瓶從他人說從他笑地覆天翻也只寧

經東林寺云白蒼荀花露滴滴碧苾芻草雨濛濛田地更無塵一點是何
人合住其中

夜夜曲云螻蛄切切風騷騷芙蓉噴香蟾蜍高孤燈耿耿征婦勞更深撲
落金錯刀

古意云乾坤有清氣散入詩人脾聖賢遺清風不在惡木枝千人萬人中
一人兩人知憶在東溪日花開葉落時幾擬以黃金鑄作鍾子期

僧齊已

僧齊已有詩名住襄州謁鄭谷獻詩云高名喧省闈雅頌出吾唐疊巘供
秋望無雲到夕陽自封修藥院別下著僧牀幾夢中朝事久離

一作
依依

鴛鴦

行谷覽之云請改一字方可相見經數日再謁稱已改得詩云別掃著僧

牀谷嘉賞結爲詩友

還人詩卷云李白李賀遺機杼散在人閒不知處聞君收在芙蓉江日聞
鮫人織秋浦金梭劄劄文離離吳姬越女羞上機鴛鴦浴煙鸞鳳飛澄江
曉映餘霞輝仙人手持玉刀尺寸寸酬君與珠璧裁作霞裳何處披紫皇
殿裏深相一作難覓

後唐明宗太子從榮好作歌詩高輦又多依附之觀碁詩云看他終一局
白卻少年頭

齊已中秋詩云東林莫礙漸高勢四海正看當路時從榮果謀不軌唱和
者言涉嫌疑皆就誅惟齊已得荆帥高令公匿而獲免

中秋月云空碧無雲露溼衣衆星光外湧清規東樓莫礙漸高勢四海正
看當路時還許分明吟皓魄肯教幽暗取丹枝可憐半夜嬋娟影正對五
侯殘酒卮

早行云舟子相呼起長沙未五更幾看星月在猶帶夢魂行鳥亂村林迴

人喧水柵橫蒼茫平野水慚愧遠峯名

詠鴈云瀟湘水暖全迷鶴邏沙川寒只有雕誰向孤舟憶兄弟坐看連鴈渡橫橋

詠鸚云何事經年閱好音暖風催出囀喬林羽毛新刷陶潛菊喉舌初調
叔夜琴怕雨竝棲紅杏密避人雙入綠楊深曉來枝上千般語似共桃花
訴舊心

夏日草堂作云沙泉帶草堂紙帳卷空牀靜是真消息吟非俗肺腸園林
坐清影梅杏嚼紅香誰住原西寺鐘聲送夕陽

寄方干處士鑑湖舊居云賀監舊山川空來近百年聞君與琴鶴終日在
漁船島路深秋石湖燈半夜天雲門幾回去題徧好林泉

寄錢塘羅給事云憤憤嘔讒書無人誦子虛傷心天祐末搔首懿宗初海
樹青叢短湖山翠點疎秋濤看足否羅刹石邊居

戊辰歲湖中寄鄭谷郎中云白髮久慵簪常聞病亦吟瘦應成鶴骨閒想

似禪心上國楊花亂滄洲荻笋深不堪思翠巘西望獨沾襟

劍客云拔劍遶殘樽歌終便出門西風滿天雪何處報人恩
勇死常尋事輕讎不足論翻嫌易水上細碎動離魂

歸鴈云塞門春已暖連影起蘋風雲夢千行去瀟湘一夜空
江人空舉網虜將又虛弓莫失南來伴衡陽樹卽紅

東林作寄金陵知己云十八賢真在時來拂榻看已知前事
遠更結後人難泉滴勝清磬松香掩白檀憑君聽朝貴誰欲
獸簪冠

山寺喜道士至云閏年春過後山寺始花開還有無心者閒
尋此境來鳥幽聲忽斷茶好味重迴知住南巖久冥心坐綠苔

老將云破虜與平戎曾居第一功明時不用武白首向秋風
馬病霜飛草弓閒鴈過空兒孫已成立膽氣亦英雄

聞貫休下世云吾師詩匠者真箇碧雲流爭得梁太子重爲
文選樓錦江新冢樹婆女舊山秋欲去焚香禮啼猿峽阻脩

登祝融峯山云猿鳥共不到我來身欲浮四邊空碧落絕頂正清秋宇宙
知何極華夷見細流壇西獨立久白日轉神州

贈孫生云見君詩自別君是繼詩人道出千途外功爭一字新寂寥中影
迹霜雪裏精神待折東堂桂歸來更苦辛

邊上云漢地從休馬胡家自牧羊都來消帝道渾不用兵防草上孤城白
沙翻大漠黃秋風起邊鴈一一向瀟湘

行路難云下浸與高盤不爲行路難是非真險惡翻覆作峯巒漆愧同時
黑朱漸汚處丹令人畏相識欲畫白雲看

觀水云范蠡東浮闊靈均北泛長誰知遠煙浪別有好思量故國門前急
天峯一作照裏忙難收上樓興渺漫正斜陽

聽李先生琴云仙子弄瑤琴仙山杉月深此聲含太古誰聽到無心灑石
霜千片噴空瀑萬尋何人傳指法攜向海中岑

寄陸龜蒙云萬卷功何用徒稱處士休閒欵太湖石醉臥洞庭秋道在誰

開口詩成自點頭中閒欲相訪尋便阻戈矛

自題云禪外求詩妙年來鬢已秋未曾將一字容易謁諸侯掛夢山皆遠
題名口盡幽敢言梁太子傍採碧雲流

聽泉云落石幾萬仞冷聲飄遠空高秋初雨後半夜亂山中祇有照壁月
更無吹葉風省曾廬嶽聽到曉與僧同

宿簡寂觀云萬壑雲霞影千峯松桂聲如何教下士容易信長生月共虛
無白香和沆瀣清閒尋古廊畫記得列仙名

觀燒云獵獵寒蕪引承風勢不還放來應有主焚去到何山燄入空濛裏
煙飛蒼莽閒石中於良玉惆悵但傷顏

齊已本姓胡名得生詩名多湖湘閒與鄭谷爲詩友

殷七七

殷七七名文祥周寶舊於長安識之及寶移鎮浙西七七忽至寶禮貌益
勤每醉吟曰琴彈碧玉調爐養白硃砂解醞逡巡酒能栽頃刻花鶴林寺

杜鵑花寺僧云貞元中外國僧自天台鉢盂中以藥養其根來植於此寺僧飾花院或見女子遊花下或謂花神也一日寶謂七七曰鶴林寺花天下奇絕嘗聞能開頃刻花可開於重九乎曰可乃前二日往鶴林寺宿中夜女子謂七七曰妾爲上玄命下司此花非久卽歸闔苑今與道者開之來日晨起寺僧訝花漸折至九日爛熳後經兵火其花遂亡

許碣

碣遊江淮閒常醉吟曰闔苑花前是醉鄉拈翻王母九霄觴羣仙拍手嫌輕脫謫向人閒作酒狂
碣自稱高陽人少爲進士累舉不第後得道於峩眉山

許宣平

新安人也常掛一花瓠及曲竹枝醉則歌曰負薪朝出賣沽酒日西歸路人莫問歸何地穿白雲行入翠微好事者題于壁李白自翰林出東遊覽詩歎曰仙人也

裴脩然

唐道士裴脩然楚州刺史思訓之子爲人詼諧強學不成一名好詩酒善丹青解絲竹開元中嘗夜醉臨街犯禁乃爲詩曰遮莫蓼蓼動須傾滿滿杯金吾如借問但道玉山頽官不罪之也出張彥遠名畫記

唐詩紀事卷第七十六

僧太易

僧惟審

僧滄浩

僧良乂

僧志定

僧棲蟾

僧曇翼

僧清塞

僧無悶

僧文益

僧修睦

僧景雲

僧太易

贈司空拾遺云侍臣何事辭雲陛江上微吟見雪花望闕未承丹鳳詔開門空對野人家陳琳草奏才還在王粲登樓興不賒高館更容塵外客仍令歸路待瑤華

僧惟審

賦得聞曉鶯啼云卷簾清夢後芳樹引流鶯隔葉傳春意穿花送曉聲未調雲路翼空負桂林情莫盡關西一作興羈愁正獸生

別友人云一身無定處萬里獨銷魂芳草迷歸路春衣滴淚痕幾時同旅食向夜宿江村欲說異鄉苦空山啼暮猿

春日旅懷呈知己云生涯萬事有蒼蒼應任流萍便越鄉春水獨行人漸
遠故園歸路一作夢夜空長一聲隔浦猿啼處數滴驚心淚滿裳不爲知音
皆鮑叔信憑江上去茫茫

僧滄浩

留別嘉興知己云一坐東林寺從來未下山不因尋長者無事到人間宿
雨愁爲客寒禽散未還一作寒花空懷舊山月童子誦經閒此詩已載僧皎然下

僧良乂

秋山答盧鄴云風泉只向夢中聞身外無餘可寄君當戶一輪唯曉月掛
簷數片是秋雲右張爲取此詩於主客圖

僧志定

唯有罇前今夜月當時曾照墮樓人句梧桐葉老蟬聲死一夜洞庭波上
風句右張爲取作主客圖

僧棲蟾

再宿京口禪院詩云灘聲依舊水溶溶岸影參差對梵宮楚樹七回凋敗
葉江人兩至宿秋風蟾蜍竹老搖疎白菡萏池乾落謝紅多爲一作病支郎
念行止晚來生計轉如蓬

牧童云牛得自由騎春風細雨飛青山青草裏一笛一簑衣日出唱歌去
月明撫掌歸何人得似爾無是亦無非

短歌行云蟾光堪自笑浮世懶思量身得幾時活眼開終日忙千門無壽
藥一鏡有愁霜早向塵埃外光陰任短長

宿巴江云江聲五千里瀉碧急於弦不覺日又夜爭教人少年一汀巫峽
月兩岸子規天山影似相伴濃遮到曉船

遊邊云邊雲四顧濃饑馬咬一作嗅枯叢萬里八九月一身西北風戍營天

正黑戰馬雪多紅昨夜東歸夢桃開晚色中

寄南嶽元泰布衲云曹溪入室人終老甚孤一作難羣四十餘年內青山與

白雲松和巢鶴看果共野獐分海內僧來說高名自小聞

僧曇翼

招隱詩云連峯數千里修林帶平津雲起遠山翳風至蕘荒榛茅茨隱不見雞鳴知有人躡蹻踐其跡處處見遺薪乃知百代下固有上皇民

僧清塞

贈王道士云藥力資蒼鬢應非舊日身一爲嵩嶽客幾葬洛陽人冰縫瓢探水雲根斧斫薪關西往來熟誰得水銀銀

山舍愁思云一從雲水住曾不下西岑落木故園在秋庭積葉深泉流通井脈蟲響出牆陰靜夜更聲徹寒燈獨自吟

早秋別盧玄休云此別經歲久唯約半年回野渡人初過前山雪未開鴈羣逢曉斷秋色映春來是夜蘆花宿巖家有釣臺

贈幻羣法師云北京從別後南越幾聽砧住久白髭出講長黃葉深香連鄰舍像磬徹遠巢禽寂寞應關道何人見此心

送耿逸人南歸云南行隨越僧舊業一池菱兩鬢已如雪五湖歸挂罾夜

濤鳴柵鎖寒葦露船燈此去應無事卻來期未能
辭姚合云波濤千里隔抱疾亦相尋會宿逢高燒辭歸值雨淋叢桑山店
迴孤燭海船深尙有重來計知無省閣心

早秋過郭勁書齋云暑消岡舍清閒坐有餘情石水生茶味林風減扇聲
遠雲收海雨靜角揜山城此地秋吟苦時來遶菊行

送宴上人云絕頂無禪侶長懷落髮師齋歸門掩雪講徹樹生枝沙井泉

澄疾秋鐘韻盡遲將行誰請住又爽禁城期

弘秀集題作書實上人房

華師初去並日

送康沼歸建業云南朝秋色滿歸去思如何帝業空城在民耕壞冢多月
明臺獨上栗綻寺頻過籬下西江闊相思見白波

贈柏巖禪師云野寺絕依念空山曾徧行老來披衲重病起讀經生乞食
嫌村遠尋溪愛路平多年柏巖住不記柏巖名

贈胡僧云瘦形無血色草履著從穿閒語似持呪不眠同坐禪背經來漢
地袒膊過冬天情性人難會遊方應信緣

贈絕粒僧云一齋難過日况復更休糧養力時行道聞鐘不上堂唯留煨藥火不寫化金方舊有山廚在從僧請作房

晚秋江館云病寄西州居帶城傍門高柳一蟬鳴澄江月上見魚擲荒徑葉乾聞犬行越嶠夜無侵閣影寺鐘涼有隔原聲故園賣盡休歸去湖水秋光空自平

贈李道士云布褐高眠石竇春迸泉多濺黑紗巾昂頭說易當閒客落手圍碁對俗人自算天年窮甲子誰同兩夜守庚申擬歸大華何時去他日相逢乞藥銀

秋日同朱慶餘懷少室舊隱云曾居少室黃河畔秋夢長懸未到迴扶病十年離水石思歸一夜隔風雷荒齋幾度僧眠起晚菊頻經鹿踏來燈下此心誰共說傍松幽逕幾多苔

宿隱靜寺云一宿五峯盃渡寺虛廊中夜磬聲分疎林未落上方月幽澗忽生平地雲高鳥背泉生靜景遠人當燭想遺文暫來此地歇勞足望斷

故園滄海濱

湘漢懷傑公云一宿空山聽水流仍同賈客坐孤舟遠書來隔巴陵兩雙
鬢去驚彭蠡秋不擬爲身謀舊業終求斷穀隱高丘吾宗尙作無慘者中
夜廢吟生旅愁

重陽詩云雲木疎黃秋滿川茱萸風裏一樽前幾回爲客逢佳節曾見何
人再少年霜報征衣冷斜指鴈驚幽隱泣雲泉古來醉樂皆難得當取窮
通委上天

師東洛人姓周氏少從浮圖法遇姚合而返易名賀初與賈長江無可齊
名賀哭柏巖詩云林逕西風急松枝講杪餘凍髭亡夜剃遺偈疾時書地
爍焚身後堂空臥影初此時頻淚下曾省到吾廬時島亦有詩云苔覆石
牀新師曾過幾春寫留行道影焚卻坐禪身塔院關松雪房廊鎖露塵自
嫌雙淚下不是解空人時謂相侔云兩鬢已垂白五湖歸釣魚句夜濤驚
柵鎖寒葦露船燈句谷水生茶味林風減扇聲句磬徹遠巢禽句伊流背

行客嶽響答清猿句右張爲取作主客圖

唐有周賀詩卽清塞也

秋宿洞庭云洞庭初葉下旅客不勝愁明月天涯夜青山江上秋一官成
白首萬里寄滄洲只被浮名繫寧無愧海鷗

巴陵秋思云揚州已寒色楚田方刈禾歸心病起切敗葉夜來多細雨城
蟬噪斜陽嶠客過故鄉餘業在杏隔洞庭波

岳陽樓云平楚起寒色杪秋猶未還世情何處淡湘水向人閒空翠隱高

鳥夕陽歸遠山孤舟萬餘里惆悵洞庭閒

三詩作周賀

方干懷賀云就枕忽不寐孤懷興歎初南譙收舊曆上苑絕來書暝雪細
聲積晨鐘寒韻疎侯門昔彈鋏曾共食無魚

僧無悶

暮春送人云折柳亭邊手重攜江煙淡淡草萋萋杜鵑不顧一作離人意

更向落花枝上啼

寒林石屏云草堂無物件身閒惟有屏風枕簟閒本向他山求得石卻於石上看他山

僧文益

看牡丹云擁毳對芳叢由來趣不同髮從今日白花是去年紅豔色隨朝露馨香逐晚風何須待零落然後始知空

觀木平和尙云木平山裏人貌古年復少相看陌路同論心秋月皎懷衲線非蠶助歌聲有鳥城闕今日來一謳曾已曉

僧修睦

秋日閒居云是事不相關誰人似此閒卷簾當白晝移榻對青山野鶴眠松上秋苔長雨閒嶽僧頻有信昨日得書還

宿岳陽開元寺云竟夕凭虛檻何當興歎頻往來人自老今古月長新風逆沈魚唱松疎露鶴身無眠鐘又動幾客在迷津

雪中送人北遊云雖知心去速其奈雪飛頻莫笑

一作喜

無危道雖平更陷

人遠郊光接漢平野色通秦此去迢迢極卻回應過春

送邊將云人盡有離別而君獨可嗟言將身報國敢望祿榮家戰思風吹野鄉心月滿沙歸期定何日塞北樹無花

睡起作云長空秋雨歇睡起覺精神看水看山坐無名無利身偈吟諸祖意茶輓去年春此外誰相識孤雲到砌頻

賣松者云求利有何限將松入市來直饒人買去也向柳邊栽細葉猶黏雪孤根尙惹苔知君用心錯舉世重花開

落葉云雨過閒田地重重落盡紅翻思向春日肯信有秋風幾處隨流水河邊亂暮空祇應松自立而不與君同

落花云一片又一片等閒苔面紅不能延數日開亦是春風公子歌聲歇詩人眼界空遙思故山下經雨兩三叢

題田道者院云入門自空寂眞箇出家兒有形鬼不見無心人謂癡古巖寒柏對流水落花隨欲別一何懶相從所恨遲

題東林云欲去不忍去徘徊吟遶廊水光秋淡蕩僧好語尋常碑古苔文
疊山晴鐘韻長翻思南嶽上欠此白蓮香

思齊已上人云同人與流俗相謂好襟靈有口不他說長年自誦經水聲
秋後室山色晚來庭客問修何法指松千歲青

送玄泰禪云去去去何往一作住一盂兼一瓶水邊寒草白島外晚峯青宿

處林聞虎行時天有星回期誰可定浮世重看經

三生石云聖迹誰會得每到亦徘徊一尙不可得三從何處來清宵寒露
滴白晝野雲隈應是表靈異凡情安可猜

僧景雲

老僧云日照西山雪老僧門始開凍瓶黏柱礎宿火陷爐灰童子病歸去
鹿麋寒入來齋鐘知漸近枝鳥下生臺毛本云一作鄭綮詩

溪叟云溪翁居處靜溪鳥入門飛早起釣魚去夜深乘月歸露香菰米熟
煙煖荇絲肥瀟灑塵埃外扁舟一草衣

畫松云畫松一似真松樹且待尋思記得無曾在天台山上見石橋南畔
第三株

岑參有偃師東與韓樽同詣景雲上人卽事云山陰老僧解楞伽穎陽歸
客遠相過煙深草溼昨夜雨雨後秋風渡漕河空山終日塵事少平郊遠
見行人少尙書磧上黃昏鐘別駕渡頭一歸鳥

唐詩紀事卷第七十六

唐詩紀事卷第七十七

僧棲一
僧可止
僧卿雲
僧處默
僧澹交

僧若虛
僧隱巒
僧曇域
僧懷楚
僧懷浦

僧慕幽
僧尚顏
僧善生

僧棲一

垓下懷古云緬想咸陽事可嗟楚譎哀怨思無涯八千子弟歸何處萬里鴻溝屬漢家弓指陣前爭日月血流垓下走龍蛇拔山力盡烏江水今古悠悠空浪花

武昌懷古云戰國城池盡悄然昔人遺跡徧山川笙歌罷吹幾多日臺榭荒涼七百年蟬響夕陽風滿樹雁橫秋島雨來天傷嗟世事如流水空見蘆花一釣船

僧可止

贈楚一作樊川長老云瘦顏顙骨見滿面雪毫垂坐石鳥疑死出門人謂癡

照身潭入楚浸影檜生隋太白曾經夏清風涼四肢

哭賈島云燕生松雪地蜀死葬山根詩僻降今古官卑悞子孫冢欄寒月
色人哭苦吟魂暮雨滴碑字年年添蘚痕

送僧云四海無拘繫行心興自濃百年三事衲萬里一枝筇夜減當時影
春消過雪蹤白雲深處去知宿在何峯

寄麥積

一作積麥

山會如長老云默然如大道塵世不相關青檜行時靜白雲

禪處閒貧高一生行病長十年顏夏滿期遊寺尋山又下山

雪十二韻云落處咸過尺脩然物像淒瑞騰金殿上寒甚玉關西潤比江

河普明將日月齊凌雲花頂膩鎖徑竹稍低出谷樵人怯歸林野鳥迷煮

茶融破練磨墨染成衣

一作

陷兔埋平驛

一作

和魚凍合溪入樓消酒力

當檻寫詩題道路依憑馬朝昏委託雞洞深獺作族松亞鶴移棲及夏清

巖穴經春溜石梯豐年兼泰國天道育黔黎

山居云雪消春力展花幔洞門垂果長纖枝曲巖崩直道移重猿圍淺井

鬪鼠下疎籬寒食煙微有高風勢徹陂

僧卿雲

⑧

秋日江居閒詠云寄居江島邊閒詠見秋殘草白牛羊瘦風高獵鳥寒檢方醫故疾挑齋備中餐時復停書卷鋤莎種木蘭

送人遊塞云去去玉關路省君曾未行塞深多伏寇時靜欲一作亦屯兵雲

每先秋降花常近夏生閒陪射鵬將應到受降城

長安言懷寄沈彬侍郎云故園黎嶺下歸路接天涯生作長安草勝爲邊地花雁南飛不到書北寄來賒堪羨神仙客青雲早致家

舊里云舊居黎嶺下風景近炎方地暖生春早家貧覺歲長石房雲過溼松逕雨餘香日久覺無事詩書聊自強

僧處默

題聖果寺云路自中峯上盤迴出薜蘿到江吳地盡隔岸越山多古木叢青靄遙天浸白波下方城郭近鐘磬接笙歌

山中作云蓆簾高卷枕高欹門揜垂蘿蘸碧溪閒把史書眠一覺起來山月過松西

螢云熠熠與娟娟池塘竹樹邊亂飛始拽火成聚卻無煙微雨灑不滅輕風吹欲然昔時書案下頻把作囊懸

遠煙云靄靄前山上凝光滿薜蘿高風吹不盡遠樹得偏多翠與晴雲合輕將淑氣和正堪流野目朱閣意如何

送僧遊西域云一盂兼一錫祇此度流沙野性雖爲客禪心卽是家寺披雲嶠雪路入曉天霞自說遊諸國回應歲月賒

憶杼

一作廬

山舊居云麤衣糲食老煙霞勉把衰顏惜歲華獨鶴祇爲山客

伴閒雲常在野僧家叢生嫩蕨沾松粉自落乾薪帶蘚花明月清風舊相識十年歸恨可能賒

題棲霞僧房云名山不取買山錢任創花宮近碧巔松桂老依雲裏寺樓臺深鎖洞中天風經絕嶂迴疎雨石倚危屏掛落泉欲結茅菴共師住肯

饒多少薜蘿煙

織婦云蓬鬢蓬門積恨多夜闌燈下不停梭成縑猶自陪錢納未直青樓

一曲歌

僧澹交

病後作云未得亡身法此身終未安病腸獨可洗瘦骨不禁寒藥少心神
餌經無氣力看悠悠片雲下獨坐夕陽殘

寫真云圖形期自見自見卻傷神已是夢中夢更逢身外身水花凝幻質
墨彩染空塵堪歎余兼爾俱爲未了人
効古云榮辱又榮辱一何翻與覆人生百歲中孰肯死前足玄鬢忽如絲
青叢不再綠自古爭名徒黃金誰是祿

僧若虛

樂仙觀云樂氏騎龍上碧天東吳遺宅尙依然悟來大道無多事眞後丹
元不直錢老樹夜風蟲咬葉古垣春雨蘚生甗松傾鶴死桑田變華表歸

鄉未有年

懷廬山舊隱云九疊嵯峨倚著天每隨寒瀑下巖煙深秋猿鳥來心上夜
靜杉松到眼前書架想遭苔蘚裹石窗應被薜蘿纏一枝筇竹遊江北不
見廬峯二十年

古鏡云軒後洪爐獨鑄成蘚痕磨落月輪呈萬般物象皆能鑒一箇人心
不可明匣內乍開鸞鳳活臺前高掛鬼神驚百年肝膽堪將比只怕看頻
素髮生

僧隱巒

蜀中送人遊廬山云君遊正值芳春月蜀道千山皆秀發溪邊五里十里
花雲外三峯五峯雪君上匡山我舊居松蘿拋擲十年餘君行試到匡山
上山鳥只今相憶無

牧童云牧童見人俱不識盡著芒鞋戴箬笠朝陽未出衆山時露滴蓑衣
猶半溼二月三月時平原草初綠三箇五箇騎羸牛前村後村來放牧笛

聲纔一舉衆稚齊歌舞看看白日向西斜日落騎牛又歸去
逢老人云路逢一老翁兩鬢白如雪一里二里行四回五回歇

僧曇域

宿鄭諫議山居云堂開星斗邊大諫採薇還禽隱石中樹月生池上山涼
風吹詠思幽語隔禪關莫擬歸城計終妨此地閒

懷齊己云鬢髯秋景兩蒼蒼靜對茅齋一炷香病後身心俱澹薄老來朋
友半凋傷峩眉山色侵雲直巫峽灘聲入夜長猶喜深交有支遯時時音
信到松房

贈島雲禪師云遠菴枯葉滿羣鹿亦相隨頂骨生新髮庭松長舊枝禪高
太白月行出祖師碑亂後潛來此南人總不知

僧懷楚

謝友人見訪留詩云軒車誰肯到泉石自相親暮雨凋殘寺秋風悵望人
庭新一片月衣故十年春賴有瑤華贈清吟愈病身

送新平故人云遠得倉庚思舊事又因蝴蝶夢生涯一千餘里河邊郭三十六峯寒到家陰島宜分東號雁晴雲高入上陽鴉姜嫄廟北與君別應笑薄寒悲落花

僧懷浦

贈智舟三藏云壯歲心難伏師心伏豈難尋常獨在院行坐不離壇嶽雪當禪暝松聲入呪寒更因文字外多把史書看

初冬旅舍早懷云枕上角聲微離情未息機夢回三楚寺寒入五更衣月沒棲禽動霜晴凍葉飛自慙行役早深與道相違

僧慕幽

冬日淮上別文上人云家國各萬里同吟六七年可堪隨北雁迢遞向南天水與行人遠山將落日連春淮有雙鯉莫忘尺書傳

酬和友人見寄云勞歌好自看終久偶齊桓五字若教易一名爭得難侵窗紅葉老陰砌雪花殘莫効齊僚屬東歸翦釣竿

劍客云去住知何處空將一劍行殺人雖取次爲事愛公平戟立嗔髭鬚
星流忿眼睛曉來相共說拂曙別遼城

柳云今古憑君一贈行幾回折盡復重生五株斜傍淵明宅千樹低垂太
尉營臨水帶煙藏翠翡倚風兼雨宿流鶯隋皇堤上依依在曾惹當時歌
吹聲

燈云鐘斷危樓鳥不飛熒熒何處最相宜香然水寺僧開卷筆寫春幃客
著詩忽爾思多穿壁處偶然心盡斷纓時孫康勤苦誰能念少減餘光借
與伊

三峽聞猿云誰向茲來不恨生聲聲都是斷腸聲七千里外一家住十二
峯前獨自行瘴雨晚藏神女廟蠻煙寒鎖夜郎城憑君且聽哀吟好會待
青雲道路平

僧尙顏

言興云矻矻被吟牽因師賈闋仙江山風月處一十二三年雅頌在於此

浮華致那邊猶慙功未至謾道近千篇

懷陸龜蒙處士云布褐東南隱相傳繼謝敷高譚夫子道靜看海山圖事
免傷心否碁逢敵手無關中花數內獨不見菖蒲

寄方干處士云格外綴清詩詩名獨得知閒居公道日醉臥牡丹時海鳥
和濤望山僧帶雪期仍聞稱處士聖主肯相違

送陸肱入關云舟行復陸行始得到咸京準擬何人口吹噓六義名亂山
遙減翠叢菊早含英衣錦還鄉日他時有此榮

早春送人歸岳陽云久食主人魚春來復舊居遠無千里恨輕有半船書
過片晴雲淡消殘春一作暮雪虛岳陽多異境搜思勿令疎

寄劉逸士云無愁無累者偶向市朝遊此後乘孤艇依前入亂流高眠歌
聖日下釣坐清秋道不離方寸而能混俗求

寄陳陶處士云鍾陵城外住喻似玉沈泥道直貧嫌殺神清語亦低雪深
加酒債春盡減詩題記得曾邀宿山茶獨自攜

僧善生

送玉禪師云飄然無定跡迴與律乘違入郭隨緣住思山破夏歸盂擎數
家飯衲乞幾人衣洞了曹溪旨寧輸俗者機

送智光之南值雨云絕束衣囊了炎州定去遊草堂方惜別山雨爲相留
又得一宵話免生千里愁莫辭重卜日後會必驚秋

旅中答喻軍事問客情云一自遊他國相逢少故人縱然爲客樂爭似在
家貧蓄恨霜侵鬢搜詩病入神若非憐片善誰肯問風塵

贈盧逸人云高眠巖野閒至藝敵應難詩苦無多首藥靈惟一丸引泉魚
落釜攀果露沾冠已得稽康趣逢迎事每闌

劉夢得送舉師序云近古而降釋子以詩聞於世者相踵焉因定而得境
故翛然以清由惠而遣辭故粹然以麗信禪林之蘊萼而戒河之珠璣也
柳儀曹謂文郁師背笈篋懷筆牘夾海沂江獨行山林閒翛然模狀物

態搜伺隱隙登高遠望悽愴超忽游其心以求勝語若有程督之者此一節論

浮屠之能詩者
故載於卷末

唐詩紀事卷第七十七

唐詩紀事卷第七十八

開元宮人

楊氏女

薛彥輔母林氏

崔氏

劉氏

慎氏

薛媛

李季蘭

侯氏

如意中女子 裴柔之

魚玄機

僖宗宮人

張建封妓

宮女

女道士元淳

開元宮人

開元中賜邊軍纈衣製於軍中有兵士於短袍中得詩曰沙場征戍客寒苦若為眠戰袍經手作知落阿誰邊蓄意多添線含情更著綿今生已過也重結後生緣兵士以詩白帥帥進呈玄宗以詩徧示宮中曰作者勿隱不汝罪也有一宮人自言萬死上深憫之遂以嫁得詩者謂曰吾與汝結今生緣邊人感泣

楊氏女

盈川姪女曰容華有新妝詩云宿鳥驚眠罷房櫳乘曉開鳳釵金作縷鸞

鏡玉爲臺妝似臨池出人疑向月來自憐終不已欲去復徘徊

薛彥輔母林氏

送男左貶詩云他日初投杼勤王在隱兵有辭期不罰積意許一作毀竟相仍

謫宦今何在銜冤猶未勝天涯分越徼驟一作驛騎速毗陵腸斷腹非苦書

傳寫豈能淚添江水遠心劇海雲蒸明月珠難識甘泉賦可稱但將忠報主何懼點青蠅

彥輔開元時登進士第

薛播伯父元曖終於隰城丞其妻濟南林氏丹陽太守洋之妹善屬文有子彥輔彥國彥偉彥雲及播兄據總竝早孤悉爲林氏訓導立名開元天寶閒彥輔據七人竝舉進士連中科名衣冠榮之

崔氏

盧校書暮年取崔氏結褵之後爲詩曰不怨盧郎年紀大不怨盧郎官職卑自恨妾身生校晚不及盧郎年少時

劉氏或云趙氏

杜羔不第將至家其妻劉氏先寄詩云良人的的有奇才何事年年被放回如今妾面羞君面君到來時近夜來羔卽回尋登第又寄詩云長安此去無多地鬱鬱蔥蔥佳氣浮良人得意正年少今夜醉眠何處樓雜言寄杜羔云君從淮海遊再過杜蘭秋歸來不須臾又欲向梁州梁州秦嶺西棧道與雲齊羌虜萬餘落戟矛自高低已念寡儔侶復慮勞攀躋丈夫重志氣兒女空悲啼臨邛滯遊地肯顧濁水泥人生賦命有厚薄君自遨遊我寂寞羔登貞元進士第終工部尙書贈右僕射制云生於士族蘊爲公器敦厚孝友本乎天性文學政事出於餘力自立朝右藹然素風司諫平刑駁駁廉問凡所踐歷不懈于位以年致政以疾就第出處進退皆叶時中白樂天之詞也羔有詩附李益門羔有至性父死河北母不知所之羔憂號終日後竟得其母又不知其父墓處復得其墓於佛相柱上後歷振武節度使

慎氏

毗陵慎氏三史嚴灌夫之妻以無子被出有詩曰當時心事已相關雨散雲飛一晌閒便是孤舟一作帆從此去不堪重過一作上望夫山遂如初雲溪友議

薛媛

毛本云或作媛

濠梁南楚材旅遊陳穎受穎牧之眷無返舊意其妻薛媛寫真寄之曰欲下丹青筆先拈寶鏡端已驚顏索寞漸覺鬢凋殘淚眼描將易愁腸寫出難恐君渾忘卻時展畫圖看夫婦遂偕老焉時人嘲之曰當時婦棄夫今日夫棄婦若不逞丹青空房應獨守

李季蘭

全唐詩作名冶字季蘭

三峽流泉歌云妾家本住巫山雲巫山流水常自聞玉琴奏出轉寥夔直似當時夢裏聽三峽迢迢幾千里一時流入幽閨裏巨石崩崖指下生飛波遠浪絃中起初疑噴怒含雷風復似嗚咽流不通迴湍曲瀨意一作勢將盡時復滴瀝平沙中憶昔阮公爲此曲能使仲容聽不足一彈既畢還一

彈願比流泉鎖相續

寄韓校書云無事烏程縣蹉跎歲月餘不知芸閣吏寂寞意何如遠水浮
仙棹寒星伴使車因過大雷岸莫忘八行書

結素魚貽友人云尺素如殘雪結爲雙鯉魚欲知心裏事看取腹中書

得閻伯鈞書云情來對鏡懶梳頭暮雨蕭蕭庭樹秋莫怪闌干垂玉筍只

緣惆悵對銀鈞

送韓揆之江西

一作送閻伯鈞往江州

云相看指楊柳別恨轉依依萬里江西水孤

舟何處歸溢城潮不到夏口信應稀唯有衡陽雁年年來去飛

季蘭五六歲其父抱於庭作詩詠薔薇云經時未架卻心緒亂縱橫父恚

曰此必爲失行婦也後竟如其言

高仲武云士有百行女有四德季蘭則不然形器旣雄詩意亦蕩自鮑昭

已下罕有其倫如遠水浮仙棹寒星伴使車此五言之嘉境也上方班婕

妤則不足下比韓英則有餘不以遲暮亦一俊異姬

劉長卿謂季蘭爲女中詩豪

侯氏

會昌中邊將張睽防戎十年餘其妻侯氏繡迴文作龜形詩詣闕進之詩云睽離已是十秋強對鏡那堪重理妝聞雁幾回修尺素見霜先爲製衣裳開箱疊練先垂淚拂杵調砧更斷腸繡作龜形獻天子願教征客早還鄉侯氏賜絹三百疋以彰才美

出杼情詩

如意中女子

如意中女子年九歲能吟詩則天試之皆應聲而就其兄辭去則天令作詩送兄遂賦云別路雲初起離亭葉正稀所嗟人異鴈不作一行飛

裴柔之

元微之自會稽拜尙書右丞到京未踰月出鎮武昌裴夫人柔之難之曰歲杪到家鄉先春又赴任稹卽贈詩曰窮冬到鄉國正歲別京華自恨風塵眼常看遠地華碧幢還照曜紅粉莫咨嗟嫁得浮雲婿相隨卽是家柔之答曰侯門初擁節御苑柳絲新不是悲殊命惟愁是別親黃鶯遷古木

珠履徙清塵想到千山外滄江正暮春

魚玄機

臨江樹云草色連荒岸煙姿入遠樓葉鋪秋水面花落釣人頭根老藏魚窟枝低拂客舟

拂一作傍

蕭蕭風雨夜驚夢復添愁

玄機咸通中西京咸宜觀女道士也字幼微善屬文其詩有綺陌春望遠
瑤街秋興多又慙慙不得語紅淚一雙流又焚香登玉壇端簡禮金闕又
雲情自鬱爭同夢仙貌長芳又勝花後以笞殺女童綠翹下獄獄中有詩
云易求無價寶難得有情夫又曰明月照幽隙清風開短襟

僖宗宮人

唐僖宗自內出袍十領賜塞外吏士神策軍馬真於袍中得金鎖一枚詩
一首云玉燭製袍夜金刀呵手裁鎖寄千里客鎖心終不開真就市貨鎖
爲人所告主將得其詩奏聞僖宗令赴闕以宮人妻真後僖宗幸蜀真晝
夜不解衣前後捍禦

張建封妓

毛本云才調集
作張建封妾

白樂天有和燕子樓詩其序云徐州張尚書有愛妓眇眇

一作盼盼

善歌舞雅

多風態予爲校書郎時遊淮泗閒張尚書宴予酒酣出眇眇佐歡予因贈

詩落句云醉嬌勝不得風嫋牡丹花一歡而去爾後絕不復知茲一紀矣

昨日司勳員外郎張仲素繪之訪余因吟詩新有燕子樓詩三首辭甚婉

麗詰其由乃眇眇所作也繪之從事武寧累年頗知眇眇始末云張尚書

既歿彭城有張氏舊第中有小樓名燕子眇眇念舊愛而不嫁居是樓十

餘年于今尙在眇詩云樓上殘燈伴曉霜獨眠人起合歡牀相思一夜情

多少地角天涯一作未是長又云北邙松柏鎖愁煙燕子樓中思悄然自埋

劍履歌塵散紅袖香銷一一作已十年又云適看鴻鴈岳陽迴又覩玄禽逼

社來瑤瑟玉簫無意緒任從蛛網任從灰余嘗愛其新作乃和之云滿窗

明月滿簾霜被冷燈殘拂臥牀燕子樓中寒月夜秋來祇爲一人長又云

鈿帶羅衫色似幾煙回欲起卽潛然自從不舞霓裳袖疊在空箱二十年

又云今春有客洛陽回曾到尙書墓上來見說白楊堪作柱忍教紅粉不成灰又贈之絕句云黃金不惜買峨眉揀得如花四五枝歌舞教成心力盡一朝身去不相隨後仲素以余詩示眇眇乃反覆讀之泣曰自公薨背妾非不能死恐百載之後人以我公重色有從死之妾是玷我公清範也所以偷生爾乃和白公詩云自守空樓斂恨眉形同春後牡丹枝舍人不會人深意訝道泉臺不去隨眇眇得詩後往往旬日不食而卒但吟詩云兒童不識沖天物謾把青泥污雪毫

出長慶集

宮女

天寶末宮娥衰悴不願備宮掖有落葉題詩隨御水而流云舊寵悲秋扇新恩寄早春聊題一紅葉將寄接流人顧況聞而和之云愁見鶯啼柳絮飛上陽宮女斷腸時君恩不禁東流水葉上題詩寄與誰既達宸聰由是遣出禁中宣宗朝又有題紅葉隨流者爲盧渥得之詩云流水何太急深宮盡日閒殷勤謝紅葉好去到人間

女道士元淳

寄洛中諸姊云
舊國經年別
關河萬里思
題詩憑鴈翼
望月想蛾眉
白髮愁偏覺
歸心夢獨知
誰堪離亂處
掩泣向南枝

唐詩紀事卷第七十九

張夫人

崔仲容

女郎張琰

女郎崔公達

女郎宋若照

女郎宋若荀

女郎劉雲

薛濤

女郎葛鵝兒

女郎張文姬

女郎張窈窕
娼妓常浩

女郎蔣蘊

女郎劉媛

彭伉妻

程長文

尼海印

孫氏

鸞鸞

非煙

徐月英

張夫人

吉中孚
侍郎妻

拜新月云拜新月拜月出堂前暗魄深籠桂虛弓未引弦拜新月拜月妝樓上鸞鏡未安臺蛾眉已相向拜新月拜月不勝情庭前風露清月臨人自老望月更長生東家阿母亦拜月一拜一悲聲斷絕昔年拜月逞容儀如今拜月雙淚垂回看衆女拜新月卻憶紅閨少年時

崔仲容

贈所思云所居幸接鄰相見不相親一似雲閒月何殊鏡裏人丹誠空有

恨腸斷不禁春願作梁閒燕無由變此身

戲贈云暫到崑崙未得歸阮郎何事教人非如今身佩上清籙莫遣落花沾羽衣

贈歌妓云水翦雙眸霧翦衣當筵一曲媚春暉瀟湘夜色怨猶在巫峽曉雲愁不稀一作飛皓齒乍分寒玉細黛眉輕蹙遠山微渭城朝雨休重唱滿眼陽關客未歸

女郎張琰

春詞云垂柳鳴黃鸝閒關若求友春晴不可耐愁殺閨中婦日暮登高樓誰憐小垂手又云昨日桃花飛今日梨花吐春色能幾時那堪此愁緒蕩子遊不歸春來淚如雨

女郎崔公達

毛本云才調集作遠

獨夜詞云晴天霜落寒風急錦帳羅幃羞更入秦箏不復斷續絃回身掩淚挑燈立

女郎宋若照

毛本云一作昭

和御製麟德殿宴百僚云垂衣臨八極肅穆四門通自是無爲化非關輔
弼功脩文招隱伏尙武殄妖兇德炳韶光熾恩沾雨露濃衣冠陪御宴禮
樂盛朝宗萬壽稱觴舉千官信一同

若照貝州人父廷芬生五女皆警慧善屬文長若莘次若照若倫若憲若
荀若照尤高皆性素潔鄙薰澤靚妝不願歸人欲以學名家家亦不欲與
寒鄉凡裔爲姻對貞元中昭義節度使李抱眞表其才德宗召入禁中試
文章并問經史大義帝咨美悉留宮中帝能詩每與侍臣賡和五人者皆
預又高其風操不以妾侍命之呼學士自貞元七年祕禁圖籍詔若莘總
領元和末卒後穆宗拜若照尙宮嗣其秩歷穆敬文三朝皆呼先生若憲
文宗時以讒死倫荀早卒廷芬男獨愚不可教爲民終身

女郎宋若荀

一作荀

和御製麟德殿宴百僚雲端拱承休命時清荷聖皇四聰聞受諫五服表

朝王景媚鶯初囀春殘日更長命筵多濟濟盛樂復鏘鏘
酈誰將敵橫汾未可方願齊山嶽壽求福永無疆

女郎田娥

寄遠云憶昨會詩酒終日相逢迎今來成故事歲月令人驚
淚流紅粉薄風度羅衣輕難爲子猷志虛負文君名

女郎劉雲

有所思云朝亦有所思暮亦有所思登樓望君處靄靄蕭關道
掩淚向浮雲誰知妾懷抱玉鬢蒼苔春院深桐花落盡無人掃

薛濤

罰赴邊有懷上韋相公云聞道邊城苦而今到始知卻一作羞
將門下曲唱與隴頭兒元微之贈濤詩因寄舊詩與之云詩篇調態人皆有
細膩風光我獨知月夜詠花憐暗淡雨朝題柳爲欵垂長教碧玉藏深處
總向紅牋寫自隨老大不能收拾得與君開似教男兒

濤好製小詩惜其幅大狹小之蜀中號薛濤或
以營妓無校書之號章南康欲奏之而罷後遂呼之胡曾詩曰萬里橋邊女校書琵琶一作花下
閉門居掃眉才子知多少管領春風總不如

進士楊蘊中下成都獄夢一婦人曰吾薛也贈詩云玉漏深長燈耿耿東
牆西牆時見影月明窗外子規啼忍使孤魂愁夜永

女郎葛鵲兒

懷良人云蓬鬢荆釵世所稀布裙猶是嫁時衣胡麻好種無人種正是歸

時不見歸

又見河
北人下

女郎張文姬

溪口雲云一片溪口雲纔向溪中吐不復歸溪中還作溪中雨
沙上鷺云沙頭一水禽鼓翼揚清音只待高風便非無雲漢心

鮑君徽一作徽

閒宵對月茶宴云閒朝向晚出簾櫳茗宴高亭四望通遠眺城池山色裏

俯聆絃管水聲中
幽篁映沼新抽翠
芳桂低簷欲吐紅
坐久此中無限興
更憐團扇起清風

女郎張窈窕

寄故人云
淡淡春風花落時
不堪愁望更相思
無金可買長門賦
有恨空

吟團扇詩

毛本云或作趙氏代杜羔贈人

窈窕居於蜀
當時詩人雅相推
重有上成都
從事詩曰
昨日賣衣裳
今日賣衣裳
渾賣盡
羞見嫁時箱
有賣愁仍緩
無時心轉傷
故園有虜隔
何處事蠶桑

娼妓常浩

贈盧夫人云
佳人惜顏色
恐逐芳菲歇
日暮坐畫堂
下堦見新月
拜月仍有詞
傍人那得知
歸來玉臺下
如覺淚痕垂

女郎蔣蘊

一作薛毛本云彥輔之孫蘊

贈鄭女郎古意云
昨夜巫山中
失卻陽臺女
朝來香閣裏
獨伴楚王語
豔

陽灼灼河洛神珠簾繡戶青樓春能彈箜篌弄纖指愁殺門外少年子笑
開一面紅粉妝東園幾樹桃花死朝理曲暮理曲獨坐窗前一片玉行也
嬌坐也嬌見之令人魂魄消堂前錦褥紅地鑪綠沈香榼傾屠蘇解佩時
時歇歌管芙蓉帳裏蘭麝滿挽起羅衣香不斷滅燭每嫌秋夜短

毛本云
才調集

少起
四句

女郎劉媛

長門怨云雨滴梧桐秋長夜愁心和雨到昭陽淚痕不學君恩斷拭卻千
行更萬行又云學畫娥眉獨出羣當時人道便承恩經年不見君王面花
落黃昏空掩門

女郎廉氏

峽中卽事云清秋三峽此中去鳴鳥孤猿不可聞一道水聲多亂石四時
天色少晴雲日暮泛舟溪澗口那堪夜永思氛氲

彭伉妻

彭伉評事宜陽徵君之孫及第後浙西廉使于公辟入幕歲久未回妻張
寄二絕云久無音信到羅幃路遠迢迢遣問誰聞君折得東堂桂折罷那
能不暫歸驛使今朝過五湖殷勤爲我報狂夫從來誇有龍泉劍試割相
思得斷無彭伉始以詩寄之曰莫訝相如獻賦遲錦書難道淚沾衣不須
化作山頭石待我東堂折桂枝

程長文

書情上使君云妾家本住鄱陽曲一片堅心比孤竹當年二八盛容儀紅
牋草隸恰如飛盡日閒窗刺繡坐有時極浦採蓮歸誰道居貧守都邑幽
居寂寞無人識海燕朝歸枕席寒山花夜落堦墀溼強暴之男何所爲手
持白刃向簾幃一命任從刀下死千金豈受閨中欺我心匪石情難轉志
奪秋霜意不移血濺羅衣終不恨瘡黏錦袖亦何辭縣僚曾未知情緒卽
便教人繫囹圄朱脣滴瀝獨啣冤玉筋闌干歎非所十月寒更堪思人一
聞擊柝一傷神高髻不梳雲已散蛾眉罷掃月仍新三尺嚴章難一作可

越百年心事向誰說但看洗雪出園扉始信白圭無玷缺

尼海印

蜀慈光寺尼海印唐末人才思清峻有舟夜一章云水色連天色風聲益浪聲旅人歸思苦漁叟夢魂驚舉棹雲先到移舟月逐行旋吟詩句罷猶見遠山橫

孫氏

進士孟昌期之妻也代夫作白蠟燭詩贈人云景勝銀缸香比蘭一條白玉偏人寒他時紫禁春風夜醉草天書子細看又琴詩云玉指朱絃軋復清湘妃愁怨最難聽初疑颭颭涼風動又似蕭蕭暮雨零近若流泉來碧嶂遠如玄鶴下青冥夜深彈罷堪惆悵霧溼叢蘭月滿庭謝人送酒云謝將清酒寄愁人澄澈甘香氣味真好是綠窗風月夜一盃搖蕩滿懷春三詩皆代夫之作一旦曰才思非婦人之事也併焚其集

鸞鷺

鷓鴣姓崔氏有張生者託其婢紅娘以春詞二篇誘之崔答曰待月西廂下迎風戶半開拂牆花影動疑是故人來張喜其意既遇而別崔命琴鼓霓裳羽衣之曲張文戰不利崔貽書以廣其意又有竹茶碾亂絲之贈曰淚痕在竹愁緒縈絲因物達情永以爲好楊巨源元稹善張生見其詩歎賞之巨源賦崔娘一篇云清潤潘郎玉不如中庭蕙草雪晴初風流才子多春思腸斷蕭娘一劄書元稹亦續生會真詩三十韻張後以爲妖於身也絕之既而至其所居崔潛寄一詩云自從別後減容光萬轉千回懶下牀不爲傍人羞不起爲郎憔悴卻羞郎張將行賦一章以絕之云棄置今何道當時且自親還將舊來意憐取眼前人自是遂絕

非煙

臨淮武公業任河南參軍有愛妾非煙姓步氏善文章工擊甌比鄰有趙子詩誘之曰一靚傾城貌塵心只自猜不隨蕭史去擬學阿蘭來非煙答曰綠慘嬌蛾不自持只緣幽恨在新詩郎心應似琴心怨脈脈春情更付

一作泥誰趙又曰珍重佳人惠好音綵箋花翰兩情深薄於蟬翼誰供眼密

似蠅頭未寫心疑是落花還碧洞又思輕雨滿幽襟百回消息千回夢裁

作長謠寄綠琴非煙偶病旬日方答之云無力嚴妝倚繡櫳聊題蟬錦思

無窮以連蟬錦香囊贈趙近來贏得傷春病柳弱花欷怯曉風後乃踰垣相從趙有

十洞三清難阻路有心還得傍瑤臺之句非煙答曰相思何似不相識一作

只恨不相見還將一作愁卻別君公業後知笙殺之趙竄於江淮毛本有公業粗悍故

非煙有媒妁所欺匹合瑣類之語十八字

徐月英

月英江淮閒娼也送人詩云惆悵人間萬事非兩人同去一人歸生憎平

望亭前水忍照鴛鴦相背飛又云枕前淚與階前水隔箇門窗滴到明亦有

詩集行世

唐詩紀事卷第七十九

唐詩紀事卷第八十

河北人

不知名

僕

新羅王

楊奇鯤

不知名

權龍襄

河北人

朱滔以士族應募問一士人所業曰學為詩有妻乎曰有之令作寄內詩
即曰握筆題詩易荷戈征戍難慣從鴛被暖怯去雁門寒瘦盡寬衣帶題
多漬枕檀試留青黛著回日畫眉看又令代妻答曰蓬鬢荆釵世所稀布
裙還是嫁時衣胡麻好種無人種正是歸時不見歸

出本
事詩

不知名

江陵有士子遊交廣五年未還愛姬為太守所取納於高麗坊

一作坡

底及

歸寄詩曰陰雲羃羃下陽臺惹著襄王更不回五度看花空有淚一心如
結不曾開纖蘿自合依芳樹覆水寧思返舊杯惆悵高麗坊底宅春光無
復下山來守遂遣還

有爲御史分務洛京者其愛姬爲逢吉一閱遂不復出明日以詩投之云
三山不見海沈沈豈有仙蹤尙可尋青鳥去時雲路斷嫦娥歸處月宮深
紗窗暗想春相憶書幌誰憐夜獨吟料得此時天上月只應偏照兩人心
李得詩含笑曰大好詩遂絕

唐人及第後或遇舊題名處卽加前字故詩曰曾題名處加前字送出城
人乞舊詩

姚合及第後詩曰新銜
添一字舊友讓前途

長安木塔院有進士坊曾題名處有人題詩曰姚家新塔是房郎未解芳
顏意似狂見說正調穿羽箭莫交射破寺家牆

丹陽焦山瘞鶴銘傍小碣刻詩云江外水不凍今年寒苦遲三山在何許
欲到風引歸后題云丹陽掾王瓚作後復得小石云縱步不知遠夕陽猶
未回好花隨處發流水趁人來不知誰爲之

傳聞天子訪沈淪萬里懷書西入秦早知不用無媒客恨別江南楊柳春

僕

咸陽郭氏之僕捧劍者有詩曰青鳥啣蒲萄飛上金井欄美人恐驚去不敢捲簾看又題牡丹云一種芳菲出後庭卻輸桃李得佳名誰能爲向天人說從此移根近太清後恥爲奴隸逃走有詩曰珍重郭四郎臨行不得別曉漏動離心輕車冒殘雪欲出主人門零涕時嗚咽萬里隔關山一心思漢月京兆司錄全曉述此事以語李溪

雲溪友議

孫愿唐貞元以後三代爲池陽刺史有戟門門子朱元迎道左獻詩曰昔日郎君今刺史朱元依舊守朱門今朝行馬諸童子盡是當時竹馬孫

新羅王

太宗立新羅王善德妹眞德爲王永徽元年眞德大破百濟之衆遣其弟法敏以聞眞德乃織錦作五言太平頌以獻之其詞曰大唐開洪業巍巍皇猷昌止戈戎衣定脩文繼百王統天崇雨施物理體含章深仁諧日月撫運邁陶唐幡旗何赫赫鉦鼓亦鏗鏗外夷違命者翦覆被天殃淳風凝

幽顯遐邇競呈祥四時和玉燭七曜巡萬方維岳降宰輔維帝任忠良五
三成一德昭我皇家唐帝嘉之

楊奇鯤

奇鯤南詔大酋之心膺也僖宗時來朝高駢自淮海飛章曰蠻酋用事唯
奇鯤等數人請止而鳩之帝用其策奇鯤有詞藻途中詩云風裏浪花吹
又白雨中嵐影洗還青沙鷗聚處窗前見林狝啼時枕上聽

出北夢
瑣言

不知名

雜調云勸君莫惜金縷衣勸君須惜少年時有花堪折直須折莫待無花
空折枝

青天無雲月如燭露泣梨花白如玉子規一夜啼到明美人獨在空房宿
石沈遼海闊劍別楚山長會合知無日離心滿夕陽

空賜羅衣不賜恩一熏香後一銷魂雖然舞袖何曾舞長對春風裏淚痕
不洗殘妝凭繡牀卻嫌鸚鵡繡衣裳

一作也同女
伴繡鴛鴦

迴鍼刺到雙飛處憶著

征夫淚數行

眼想心思夢裏驚無人知我此時情不如池上鴛鴦鳥雙宿雙飛過一生
一去遼陽繫夢魂忽傳征騎到中門紗窗不肯施紅粉好遣蕭郎問淚痕
鶯啼露冷酒初醒罨畫樓西曉角鳴翠羽帳中人夢覺寶釵斜墜枕函聲
行人南北分征路流水東西接御溝日日坡前怨離別謾名長樂是長愁
偏倚繡牀愁不起雙垂玉筍翠鬢低卷簾相待無消息夜合花開一作日

又西

悔將淚眼向東開特地愁從望裏來三十六峯猶不見況伊如燕這身材
滿目笙歌一段空萬般離恨總隨風多情爲謝殘陽意與展晴霞片片紅
兩心不語暗知情燈下裁縫月下行行到堦前知未睡夜深聞放剪刀聲
六言詩云把酒留君聽琴那堪歲暮離心霜葉無風自落秋天不雨多陰
人愁荒村路遠馬怯寒溪水深望盡青山猶在不知何處相尋

美人騎馬云駿馬嬌仍穩春風灞岸晴促來金蹬短扶上玉人輕帽束雲

鬢亂鞭籠翠袖明不知從此去何處更傾城

乾符末有客訪僧僧卻之題門而去云龕龍去東海時日隱西斜敬文今不在碎石入流沙忽一僧曰大罵我曹乃合寺苟卒四字

鴈塔詩云漢國山河在秦關草樹深暮雲千里色何處不傷心傍書云荆叔偶題不知何人也

盧常侍牧章江一曹生令爲從事曹悅營妓丹霞盧不許會餞朝客曹有詩曰拜玉亭前閒送客此時孤恨感離鄉尋思往歲絕纓事肯向朱門泣夜長盧演爲長句云桑扈交暉百舌忙祖亭同樂倍思鄉樽前有限同卑宦席上無聊發靚妝莫與狂花迷眼界須求真理定心王遊蜂採掇何時已卻恐多言議短長令丹霞改令罰曹丹霞乃號之爲怨胡以曹狀類胡滿座大笑盧因目丹霞爲怨胡婦盧氏子失第徒步及都城門東寒甚有一人續至附火吟曰學織繚綾功未多亂拈機杼錯拋梭莫教宮錦行家見把此文章笑殺他遂云如今不重文章士莫把文章夸同人盧愕然以

爲樂天詩問姓名曰姓李世織綾錦前屬東都宮錦坊宮錦巧兒以薄技
投本行皆云如今花樣與前不同不謂伎倆兒以文彩求售者不重於世
且東歸去

權龍褒

景龍中爲左武將軍好賦詩而不知聲律中宗與學士賦詩輒自預焉帝
戲呼權學士初以親累遠貶泊歸獻詩云龍褒有何罪天恩放嶺南勅知
無辜過追來與將軍上大笑嘗吟夏日詩云嚴霜白皓皓明月赤團團或
曰豈是夏景答曰趁韻而已通天中刺滄州初到呈同官曰遙看滄州城
楊柳鬱青青中央一羣漢聚坐打杯觥諸公謝曰公有逸才曰不敢趁韻
而已嘗作秋日詠懷詩曰簷前飛七百雪白後園僵飽食房里側家糞集
野娘參軍不曉問之權曰鷓子簷前飛直七百洗衫掛後園白如雪飽食
房中側臥家裏便轉集得野澤蜚娘聞者嗤之始賦夏日嚴霜明月之句
乃皇太子宴賦詩太子援筆譏之曰龍褒才子秦州人士明月晝耀嚴霜

夏起如此詩章趁韻而已

龍襄爲瀛州刺史歲暮京中人附書云改年多感乃將書呈判司以下云
有司改元爲多感元年一日謂府吏何名私忌對曰父母亡日請假偶房
中靜坐有青狗突入大怒曰衝破我忌更牒改到明日好作忌日談者笑
之

唐詩紀事卷第八十一

毛仙翁贈行詩

裴度云爰自荊州鼎成黃金道息封固真粹教不流傳代歷秦漢言者怪
闕先儒以爲繫風捕影誰抵其實瑯琊論衡詳之矣予嘗以爲斯言之未
盡其臧否也及見仙翁勃達前聞且嗇神胎元抱和含真穆然道風煦然
如春追駐穉色將數百歲光陰自駛寒暑不易鑪鎚之間物無不化養之
在我得之自然加以熊經鳥伸玄藏城府閉合默識孰窺崇墉當今勢位
壓山河器業橫覆載北面嚮傾就誠屈乎辭度不知先儒誰談其無得食
馬肝者豈爲知味耶圖鬼神者易爲工耶不復知總總化胎而已仙翁將
去追遺雲蹤苟非造物者不能以識裴度述

僧孺云僧孺見仙翁兄深仰其爲真人也僧孺讀史傳嘗病仙者能上升
鄙見謂斯不然僧孺聞胡國西胡法至其將歿之日乃大會族黨州里衆
其人齋其食人則飄飄而發地焉數百里外而墜窮谷中國中人咸謂曰

化予焉知非胡國之幻乎今兄不離世閒而出世閒浩蕩乎嗜欲之境蹂躪乎人情之囿三事五侯躬擁篲于門獲禮仙翁者爲榮不獲禮爲羞況雙眸昞然紅膚若花迅駭無羈竦步飄飄然予安謂其非至人乎昔昌黎韓公侍郎掌國子裴李二相府皆命世之大賢與兄交不曰詩則曰文予又焉測兄之壽也稽君著養生一篇以中才用心養其性命斯爲勝矣腥者吾食諸稔者吾食諸憊於我者食諸又不測兄之玄妙也至於煮鍊金石妙至先覺若指手掌不爲能事賄利軒冕不萌於心劉郎之骨非凡目所測太和三年秋九月偶拜兄於夏口眷予塵俗授之玄記又約僧孺爲道弟所訝眞步超遙白雲無繫要他日爲拜會之資僧孺抽毫以敘離恨題文曰別志且用契異時之語焉

李翱云紫霄仙客下三山因救生靈到世閒龜鶴計年承甲子冰霜爲質駐童顏韜藏休咎傳眞籙變化榮枯試小還從此便教塵骨貴九霄雲路願追攀

令狐楚云宣州渾是上清宮客有真人貌似童紺髮垂纓光髣髴細髻緣
領綠茸茸壺中藥物梯霞訣肘後方書縮地功既許焚香爲弟子願教年
紀共椿同

李程云茫茫塵累愧腥羶強把蜉蝣望列仙閒指紫霄峯下路卻歸白鹿
洞中天吹簫丹鳳經何代茹玉黃麟得幾年他日更來人世看又應東海
變桑田

李宗閔云不知仙客占芳春肌骨纔交稱兩旬俗眼暫驚相見日疑心未
測幾時人閒推甲子經何代笑說浮生老此身殘藥倘能沾朽質願將霄
漢永爲鄰

韓愈云仙翁姓毛氏名于姓與韓爲族愈末年爲弟也相識於潮陽逆旅
敘宗焉察其言不由乎孔聖道不由乎老莊教而以惠性知人爵祿厚薄
壽命長短發言如騁駟嘯嚙持疑於脣吻閒卽信乎異人也若古之許負
輩不足言矣然兄言果有證愈自典袁州從袁州除國子祭酒後主兵部

事續拜京兆尹又改吏部郎中若如言卽掃茅屋俟兄一日歡笑亦不朽之名也酒酣留詞走筆而成不能采其文章之要也時元和十四年己亥四月十六日族弟門人韓愈序

崔郾云存亡去住一壺中兄事安期弟葛洪甲子已過千歲鶴儀容方稱十年童心靈暗入行人數藥力潛均造化功終待此身無繫累武陵山下等黃公

王起云冰霜肌骨稱童年羽駕何由到俗閒丹竈化金留祕訣仙宮嗽玉叩玄關壺中世界青天近酒裏煙霞白日閒若許隨師去塵衲願陪鸞鶴向三山

李益云玉樹溶溶山客深含光混俗似無心長愁忽作鶴飛去一片孤雲何處尋

鄭澣云至道無名至人長生爰觀繪事似挹真形方口渥丹濃眉刷青松姿本秀鶴質自輕道德神仙內蘊心靈紅肌綠髮外彰華精色如含芳貌

若和光胚渾造化含吐陰陽吾聞安期隱見不常或在世閒或遊上蒼猗
歟真人得非後身寫此仙骨久而不磷皎皎明眸瞭然如新藹藹童顏的
然如春金石可並丹青不泯通天臺上有見常人俗士觀瞻方悟幽塵君
子圖之敬兮如神

楊於陵云先生赤松侶混俗遊人閒崑閩無窮路何時下故山千年猶孺
質祕迹欣塵寰莫便沖天去雲雷不可攀

楊嗣復云天上玉郎騎白鶴肘後金壺盛妙藥暫遊下界傲五侯重看當
時舊城郭羽衣茸茸輕似雪雲上雙童持絳節王母親縫紫錦囊令向懷
中藏祕訣令威子晉皆儔侶東嶽同尋太真女搜奇綴韻和陽春文章不
是人閒語藥成自固黃金骨天地齊兮身不歿日月宮中便是家下視崑
崙何突兀童姿玉貌誰方比玄髮綠髯光瀾瀾滿朝將相門弟子隨師盡
願拋塵滓九轉琅玕必有餘願乞刀圭救生死

元稹云余廉問浙東歲毛仙翁惠然來顧越之人士識之者相與言曰仙

翁嘗與葉法善吳筠遊於稽山迨茲多歷年所而風貌愈少蓋神仙者也
余因得執弟子之禮師其道焉余嘗見圓冠方領之士讀道書疑其絕智
棄仁又謂其書不足以經世理國殊不知至仁無兼愛大智無非裁大樂
同天地之和大禮同天地之節其可臻乎上德冥乎大道之致華胥終北
之化熙熙然也又以徐市文成之事謂方士之流誕妄於世不足以爲教
也殊不知峒山高臥汾水凝神縱心傲世邈然外物王侯不可得師友也
若然則徐市之莠不足以害嘉穀文成之誕不足以傷大教今我仙翁眞
風道骨玄格高情冥鴻孤鶴不可方喻蓋峒山汾水之儔也一言道合止
于山亭三日而南棲天台謂余曰入相之年相候於安仁里余拜而言曰
果如仙約燃香拂榻以俟雲駕焉杼詩一章以爲他日之志也仙駕初從
蓬海來相逢又說向天台一言親授希微訣三夕同傾沈澗杯此日臨風
飄羽衛他年嘉約指鹽梅花前揮手迢遙去目斷霓旌不可陪

沈傳師云安期何事出雲煙爲把仙方與世傳只向人間稱百歲誰知洞

裏過千年青牛到日迎方朔丹竈開時共稚川更說桃源更深處異花長
占四時天

崔玄略云莫將凡聖比雲泥椿菌之年本不齊度世無勞大稻米昇天只
用半刀圭人閒嗟對黃昏槿海上閒啼碧落雞旌節行中令引道便從塵
外踏丹梯

柳公綽云桃源千里遠花洞四時春中有含真客長爲不死人松高枝葉
茂鶴老羽毛新莫遣同籬槿朝榮暮絕塵

白居易云仙翁已得道混跡尋巖泉肌膚冰雪淨衣服雲霞鮮紺髮絲並
緞韶容花共妍方瞳點玄漆高步凌非煙幾見桑田變莫知龜鶴年所憩
九霄外所遊五嶽巔軒昊舊爲侶松喬難比肩每嗟人世入役役如狂顛
孰能脫羈鞅盡遭利名牽貌隨歲華換神逐光陰遷唯余負憂譴憔悴鹽
江孺衰鬢忽霜白愁腸如火煎羈旅坐多憩徘徊私自憐晴眺五老峯玉
洞多神仙何當憫溼厄授道安虛辱我師惠然來論道窮重玄浩蕩入溟

闕中泰心超然形骸既無束得喪亦都捐豈識椿菌異那知鵬鷃年丹華
既相付促景定當延玄功曷可報感極唯擎拳語罷倏然別鶴駕沖遙天
賦詩敘明德永續步虛篇

李紳云憶昔我祖神仙主玄元皇帝周柱史曾師軒皇友堯湯混跡和光
佐周武周之天子無仙氣武成康昭都警爾穆王粗識神仙事八極輪蹄
方逞志鶴髮韜眞世不知日月星辰幾回死金鼎作丹又化碧三萬六千
神入宅仙兄受術幾千年已是當年駕鴻客海光悠溶天路遠春風玉女
開宮苑紫筆親教書姓名玉皇詔刻青金簡桂窗一別三千春秦妃鏡裏
蛾眉新忽控香虬天上去海隅劫石宵化塵一從仙駕離中土頑日昏風
老無主九州爭奪無時休八駿垂頭避豺虎我亦玄元千世孫眼穿望斷
蒼煙根花麟白鳳竟冥冥飛春走月勞神昏百年命促奔馬疾愁腸盤結
心摧崒今朝稽首拜仙兄願贈丹砂化秋骨

劉禹錫唐長慶二祀壬寅秋九月止鄂州官舍時風勁秋寒掩關無事月

晦前三日有異客毛仙翁至禹錫攝衽見之睟容秀目精貌暉然初莫之測坐久語及裴相國晉公韓祭酒文公皆爲方外之交嘗有述序余因請焉齊心拭目盡得披諷知仙翁之道非人間人也拜請延留奉以師禮欣然見許止余所凡七晝夜師之異者固不可窮其大摧裴韓二公具述矣不能復書其察人吉凶貴賤壽夭或假寐自生死百年之變窮通修短皆俊發利詞指陳毫釐無疑忌語堅意真聞者失色則果然符契于意其神授乎其智知乎至於金火飛伏之道鍊魂御氣之訣吾又莫得而窮之矣嗟乎禹錫之生蹇厄以至羈沈遇師之日謂其有人爵之望可至人臣則鄙誠豈敢企望但師之道多隱晦人不能盡知況仁義惻憫特又甚焉眞乎出世者也今將適桃花溪訪秦人追羽客臨風再拜謹志大略以備他日之約其年九月二十九日門人劉禹錫述

禹錫時赴和州於武昌縣喜再遇十八兄仙翁因成絕句武昌山下蜀江東重向仙舟見葛洪又得案前親禮拜大羅天訣玉函封

張仲方云毛仙翁毛仙翁容貌常如二八童幾歲頭梳雲鬢綠無時面帶
桃花紅眼前人世閱滄海肘後藥成辭月宮方口繡眉編貝齒瞭然炁炁
雙瞳子芝春稟氣本堅強龜鶴計年應不死四海五山長獨遊矜貧傲富
欺王侯通靈指下龍虎化瑞氣爐中金玉流定是煙霞列仙侶暫來塵俗
救厄苦紫霞妖女瓊華飛祕法虔心傳付與陰功足陰功成羽駕何年歸
上清待我休官了婚嫁桃源洞裏覓仙兄

杜光庭云毛仙翁者于名字鴻漸得久視之道不知其甲子常如三十許
人其韶容穉姿雪肌玄髮若處子焉周遊湖嶺閒常以丹石攻疾陰功救
物受其錫者不可勝紀大中戊寅歲進士張爲薄遊長安落魄數載以詩
酒自得不汲汲於隨計一旦值女奴於岳麓山下若豪家之青衣焉奔而
歸之歲餘寢成羸疾尪瘠骨立待時而已毛翁自海陵來泊于逆旅卽張
所止也請謁之者逡巡盈門皆曰尊師十年二十年一屆于市人仰其惠
猶夏日之陰冬日之陽也蒙其澤者多矣顧見張愍之曰子妖氣邪光浹

徧肌骨苟不相值殞於旦夕也吾有鮑南海丸以一粒授爲于香爐焚之
郁烈之氣聞數百步張之魅妾長號一聲蹙然而斃因共視之卽木偶人
也心下至足肌肉如人心上至頂猶木偶之狀衆共異之棄于江中師曰
此魅逝矣子之性命可全形骸可保也又以丹砂三粒其狀如黍米命張
吞之旬月之間肌豐力倍憊疾都瘳師忽告去不言所之張遂爲詩別焉
其略云羸形感神藥削骨生豐肌蘭炷飄靈煙妖怪立誅夷重覩日月光
何報父母慈黃河濁滾滾別淚流澌澌黃河清有時別淚無收期自是去
別莫知所適湘江閒至今以爲口實張後亦南入釣臺山訪道而去今觀
朝彥贈仙翁文集果符長沙之事裴晉公度牛公僧孺令狐公楚李公程
李公宗閔李公紳楊公嗣復楊公於陵王公起元公稹當代之賢相也白
公居易崔公鄭鄭都尉澣李公益張公仲方沈公傳師崔公元略劉公禹
錫柳公公綽韓公愈李公翱當代之名士也望震寰區名動海島或師以
奉之或兄以事之皆以師爲上清品人也或美其登仙出世或紀其孺質

嬰姿或異其藏往知來或敍其液金水玉霞綺交爛組繡相宣蓋玄史之盛事也自元和泊大中戊子五十餘年容色不改信非常人矣奇章公獨以上昇爲疑者乃拘教守常未達神仙之深旨矣夫仙之上者骨肉昇飛與天無極又九天之上無何之鄉爲極陽之都神仙之府也世之得道者鍊陰而全陽陰滓都盡陽華獨存故能上賓于天與道冥合則黃帝駕龍而騰躍子喬控鶴而飛翔赤松乘雨而飄飄列寇御風而上下史簡昭著又何疑焉所云胡國胡法將終之事是設幻化之誣詞謗神仙之輕舉者有是焉耳嘗試論之真一既判元精肇分清氣爲人謂之三才皆稟於妙無成於妙有人之生也參天而兩地與氣爲一天地所以長存者無爲也人所以生化者有爲也情以動之智以役之是非以感之喜怒以戰之取舍以弊之馭努以勞之氣耗於內神疲於外氣竭而形衰形凋而神逝以至於死矣故曰委和而生乘順而死率以爲常也修道之士黜嗜慾墮聰明凝然無心淡然無味收視反聽萬慮都冥然後虛室生白脗合自然觀

化之初窮物之始浩然動息與道爲一矣與道爲一則恣心所之從心所欲是非不能亂勢利不能誘寒暑不能變生死不能干指顧乎八極之外逍遙乎六虛之表無所不察無所不知目能洞視耳能洞聽亦能視聽不由乎耳目何者神鑒於未然智通於無他也如此則世人之休咎壽夭富貴貧賤皎然在目豈待乎陰陽之數著龜之兆而後知之乎毛仙翁則其人也衆君子歌詩志之序述讚之曷足盡仙翁之道哉因以神仙之事亦紀仙翁之功因書於卷末云通政元年丙子三月七日辛酉杜光庭序

唐詩紀事卷第八十一